

古今文綜

711.112  
S7527

古

今

文

煉

古今文綜 第二部 書牘贈序之屬

第十三冊

目錄

第二編 贈序類

第一章 別序之體製

(甲)仕宦

唐張說鄴公園池餞韋侍郎神都留守序

唐韓愈贈崔復州序

宋王安石送李著作之官高郵序

宋王安石送陳升之序

宋王安石送陳興之序

宋曾鞏送江任序

宋曾鞏館閣送錢純光知婺州詩序

明歸有光送陳子達之任元城序

清汪琬送宋牧仲權贛州關序

清胡天游送周司馬序

清孔廣森送同年洪員外督學湖北序

清吳錫麒送桂未谷出宰永平序

清張惠言送張文在分發甘肅序

清梅曾亮送馬止齋序

清梅曾亮送張梧岡序

清董祐誠送洪右甫序

清曾國藩送謝吉人之官江左序

清曾國藩送江小帆同年視學湖北序

清李慈銘送謝麐伯編修督學山西序



清王拯送陳伯淵赴官東河序

(乙) 督師

清王太岳送固原齊都督之楚序

清張裕釗送合肥李相國督師秦中序

清張裕釗送富桂卿都護入覲序

清張裕釗送吳後軒軍門序

(丙) 出使

唐韓愈送殷員外序

宋蘇洵送石昌言舍人北使引

清方苞送徐亮直冊封琉球序

清張裕釗送黎蕤齋使英吉利序

清趙銘送許竹簣侍講出使序

(丁) 佐幕

唐韓愈送石處士序

唐韓愈送溫處士赴河陽軍序

清邵齊燾送黃生漢鏞住徽州詩序

清邵齊燾送顧古湫同年之荆南序

清李慈銘送施均甫之蘭州序

清張裕釗送張生謇之山東序

(戊) 致仕

唐韓愈送楊少尹序

宋曾鞏送周屯田序

明王慎中送程龍峯郡博致仕序

清李慈銘送高次封太守歸利津序

(己)寧親

唐韓愈送區冊序

宋歐陽修送田畫秀才寧親萬州序

清洪亮吉送奎文閣典籍陳嵩歸里省親序

(庚)答人

宋王安石同學一首別子固

宋王安石送孫正之序

(辛)留別

唐王勃秋晚入洛於畢公宅別道王宴序

唐王勃春夜桑泉別王少府序

唐王勃還冀州別洛下知己序

宋向敏中留別知己序

元吳澂別趙子昂序

清姚鼐贈程魚門序

清劉開贈龔若士檢討序

清王詒壽蘭谿留別陳芷濱學博序

(壬)合送數人

宋曾鞏贈黎安二生序

金元好問送秦中諸人引

(癸)送特別人

唐韓愈送浮屠文暢師序

唐韓愈送廖道士序

唐韓愈贈張童子序

唐柳宗元送僧浩初序

唐柳宗元送婁圖南秀才遊淮南將入道序

明唐順之送第上人度海謁觀音大士序

清劉開送方士吳君序

古今文綜 第二部 書牘贈序之屬

第十三册

杭縣張 相讓錄

杭縣姚漢章閱訂

第二編 贈序類

第一章 別序之體製

昔者子路去魯。謂顏子曰。何以贈我。顏子亦曰。何以處我。而左傳載繞朝贈策。自劉彥和以下。解爲書簡。臨別贈言。其誼古已。漢魏以還。贈別以詩。唐人爲之。緣詩作序。至於昌黎贈序。不皆有詩。且不必以別焉。文章之事。與時推移。謂爲非古。斯知一十而昧二五者也。爰仍論箸之例。體製作法。析爲二章。茲先述體製云爾。

(甲)仕宦

聖門諸賢。爲宰問政。每申討論。所紀夥已。後之作者。綢繆離別之

衷。鄭重民社之寄。冀以宏謨猷。敦教化。斯性情之篤。而友朋之所以重也。學古入

官士林仰鏡贈別之作此類良多錄張燕公以下文凡二十首

唐張說鄴公園池餞韋侍郎神都留守序

夫良才出乎休運。大任歸乎令德。四海旣安。乃注意於賢相。兩都分正。實具瞻乎師尹。鸞臺侍郎兼左庶子韋公。國之楨幹。人之表儀。矜嚴有叔子之容。持重得楊公之望。門通禁省。當朝稱累代之名。管綜諸闈。帖職盡一時之美。頃以五星東聚。八月西巡。武王旣入於鎬。京君陳當往于洛。邑中日晷之盈縮。均天宇之會同。清廟明堂。政理之本也。太倉武庫。兵食之原也。機務所總。半天下之軍國。聽訟實繁。連海隅之郡縣。恩有密而處遠。事有疎而授親。腹心遐寄。惟賢是屬。歲臨單闕。月在長羸。同蕭何之居守。當陰識之留鎮。北闕拜辭。西堂宴餞。大君垂藻。承月露之光榮。元良賜服。被星海之耀潤。執事以同列之好。載壺酒而送行。鄴公以彌甥之禮。掃郊園而留別。此地有離洲別嶼。竹館荷亭。曲沼環合。而連注叢山相望。而閒起幽隱。長寂蕭條。遠風通終南之雲氣。下昆明之水鳥。爾其駐馬青林。肆筵碧岸。



清管四發。坐客增悲。高臺一望。遊人忘返。韋公方祇率嘉命。保釐成周。樹之風聲。流我王澤。然而臨觴不樂。首路遲遲。瑣闥夕拜。戀未央之宮闕。錦服晝遊。懷杜陵之桑梓。層城日下。高蓋雲飛。天子賦詩。已載寵行之史。羣公盛集。須傳出宿之文。凡若干首。合成一卷。陸生何幸。暫遊朝宰之班。商也斐然。輕述國風之序。云爾。

### 唐韓愈贈崔復州序

有地數百里。趨走之吏自長。史司馬已下數十人。其祿足以仁其三族。及其朋友。故舊樂乎心。則一境之人喜。不樂乎心。則一境之人懼。丈夫官至刺史。亦榮矣。雖然幽遠之小民。其足跡未嘗至城邑。苟有不得其所能。自直於鄉里之吏者。鮮矣。況能自辨於縣吏乎。能自辨於縣吏者。鮮矣。況能自辨於刺史之庭乎。由是刺史有所不聞。小民有所不宣。賦有常而民產無恆。水旱癘疫之不期。民之豐約懸於州縣。令不以言。連帥不以信。民就窮而斂愈急。吾見刺史之難爲也。崔君爲復州。其連帥則于公。崔君之仁。足以蘇復人。于公之賢。足以庸崔君。有刺史之榮。而無



其難爲者將在於此乎。愈嘗辱于公之知，而舊游於崔君，慶復人之將蒙其休澤也。於是乎言。

### 宋王安石送李著作之官高郵序

君之才。搢紳多聞之。初君。抵金陵。酒政人皆惜君不試於劇。而淪於卑冗。君將優爲之。曰。孔子嘗爲乘田委吏矣。會計當而已矣。牛羊蕃而已矣。既而又得調高郵。關吏人復惜君不試於劇。而淪於卑冗。君言如初。色滋蔓喜於戲。今之公卿大夫。據徼乘機。鑽隙抵巇。僅不盈志。則戚戚以悲。君乃皦然反之。此蒙所以高君也。抑有猜焉。古之柄國家者。有戢景藏采。恬處下列。拔而致之朝。使相謨謀。今豈不若古邪。奚遂君請而弗拔也。

### 宋王安石送陳升之序

今世所謂良大夫者。有之矣。皆曰。是宜任大臣之事者。作而任大臣之事。則上下。一失望。何哉。人之材有大小。而志有遠近也。彼其任者小而責之近。則煦煦然仁。

而有餘於仁矣。子子然義而有餘於義矣。人見其仁義有餘也。則曰是其任者小而責之。近大任將有大此者。然上下竢之云爾。然後作而任大臣之事。作而任大臣之事宜有大此者焉。然則煦煦然而已矣。子子然而已矣。故上下一失望。豈惟失望哉。後日誠有堪大臣之事。其名實蒸然於上。上必懲前日之所竢而逆疑焉。暴於下。下必懲前日之所竢而逆疑焉。上下交疑。誠有堪大臣之事者而莫之或任。幸欲任則左右小人得引前日之所竢懲之矣。噫。聖人謂知人難。君子惡名之溢於實爲此。則奈何。亦精之而已矣。惡之則奈何。亦充之而已矣。知難而不能精之。惡之而不能充之。其亦殆哉。予在揚州朝之人過焉者。多堪大臣之事。可信而望者。陳升之而已矣。今去官於宿州。予不知復幾何時。乃一見之也。予知升之作而任大臣之事。固有時矣。煦煦然仁而已矣。子子然義而已矣。非予所以望於升之也。

### 宋王安石送陳興之序

先人爲臨江軍判官。實佐今駕部員外郎陳公。其後二十五年。公之子興之。主泰之如臯簿。某爲判官淮南。以事出如臯。遇之相好也。其後二年。歸京師。興之亦以進士得嘉慶院解。復遇之。相好加焉。興之試禮部。有日。今宰相其世父也。奏前試罷之。以避嫌。興之當遠官。踰數月。乃得臯之晉江主簿。去陳公世。大家仕官。四十年。連坐謫。流落不得所欲。其意不能毋望。興之富貴世其家也。興之亦誠博學。能文辭。有氣節。吾意其爲進士。宜有得焉。今失所欲。又爲所謂主簿者。遠其親。千里不啻。是其心獨能毋介然者邪。夫大公之道。行上之人。子弟苟賢者。任而進之。無嫌也。下之人。固亦不以嫌之。今興之去。知者皆憐其才。可以進焉。而不得。無以慰其親也。吾於興之。又世故。故又爲之思。所以慰其親。豁其心之介然者。不得其說。而獨以悲大公之道不行焉。

宋曾鞏送江任序

均之爲吏。或中州之人。用於荒邊側境。山區海聚之間。蠻夷異域之處。或燕荆越。

蜀海外萬里之人。用於中州。以至四遐之鄉。相易而往。其山行水涉。沙莽之馳。往往則風霜冰雪。瘴霧之毒。之所侵加。蛟龍虺蜴。虎豹之羣。之所抵觸。衝波急湫。隕崖落石。之所覆壓。其進也。莫不籩糧裹藥。選舟易馬。刀兵曹伍。而後動。戒朝奔夜。變更寒暑。而後至。至則宮廬器械。被服飲食之具。土風氣候之宜。與夫人民謠俗。語言習尚之務。其變難遵。而其情難得也。則多愁居惕處。而思歸。及其久也。所習已安。所蔽已解。則歲月有期。可引而去矣。故不得專一精思。修治具以宣布天子。及下之仁。而爲後世可守之法也。或九州之人。各用於其土。不在西封在東境。土不必勤。舟車輿馬。不必力而已。傳其邑都。坐其堂奧。道途所次。升降之倦。凌冒之虞。無有接於其形。動於其慮。至則耳目口鼻百體之所養。如不出乎其家。父兄六親故舊之人。朝夕相見。如不出乎其里。山川之形。土田市井風謠習俗。辭說之變。利害得失。善惡之條。貫非其童子之所聞。則其少長之所遊覽。非其自得。則其鄉之先生老者之所告也。所居已安。所有事之宜。皆已習熟。如此能專慮致勞。營職

事以宣上恩而修百姓之急。其施爲先後不待旁諮久察。而與奪損益之幾已斷於胸中矣。豈累夫孤客遠寓之憂。而以苟且決事哉。臨川江君任爲洪之豐城。此兩縣者。牛羊之牧相交。樹木果蔬五穀之壟相入也。所謂九州之人各用於其土者。孰近於此。旣已得其所處之樂。而厭聞飫聽其人民之事。而江君又有聰明敏給之材。廉潔之行。以行其政。吾知其不去圖書講論之適。賓客之好。而所爲有餘矣。蓋縣之治。則民自得於大山深谷之中。而州以無爲於上。吾將見江西之幕府。無南嚮而慮者矣。於其行。遂書以送之。

宋曾鞏館閣送錢純老知婺州詩序

熙寧二年三月。尙書司封員外郎祕閣校理錢君純老。出爲婺州。三館祕閣同舍之士。相與飲餞於城東佛舍之觀音院。會者凡二十人。純老亦重僚友之好。而欲慰處者之思也。乃爲詩二十首。以示坐者。於是在席人各取其一言爲韻。賦詩以送之。純老至州。將刻之石。而以書來曰。爲我序之。蓋朝廷常引天下儒學之士。聚



之館閣所以長養其材而待上之用有出使於外者則其僚必相告語擇都城之中廣宇豐堂游觀之勝約日皆會飲酒賦詩以序去處之情而致綢繆之意歷世寢久以爲故常其從容道義之樂蓋他司所無而其賦詩之所稱引况諭莫不道去者之義祝其歸仕於王朝而欲其無久於外所以見士君子之風流習尙篤於相先非世俗之所能及又將待上之考信於此而以其彙進非空文而已也純老以明經進士制策入等歷教國子生入館閣爲編校書籍校理檢討其文章學問有過人者宜在天子左右與訪問任獻納而願請一州欲自試於川窮山阻僻絕之地其志節之高又非凡才所及此賦詩者所以推其賢惜其志慤懃反復而不能已予故爲之序其大旨以發明士大夫之公論而與同舍視之使知純老之非久於外也十月日序

### 明歸有光送陳子達之任元城序

陳氏在吾崑山家世以科名顯子達前年試南宮不第欲就選時有傳權貴人語

以某地某官相許者。子達曰。吾可以賄而求仕耶。卽往而責償於其民可耶。遂拂衣以歸。今年試南宮。以一字失格。不得終試。遂復就選。適銓部政清。請謁不行。或有以中人爲地者。率置之蠻徼荒遠之區。天下士集京師。皆以爲朝廷清明。太平可望。而子達得爲縣大名之元城。元城賦輕人朴。雖在三河之間。於今畿輔地獨僻遠。仕宦者得此以爲清高。子達因其土俗而無撓之。易以爲治。而余以爲今之爲令之難。非難於其官。而難於其爲其官之上者。自昔置令以百里付之。故譬之爲人牧牛羊。爲之善。其牢芻擇其水草。時其絃放。而主人不問。觀其牛羊之羸茁而已矣。今以一令而大吏數十人制於其上。牛羊之羸茁不問也。牢芻水草絃放之事。不使之爲也。而煩爲之使。苛爲之責。欲左而掣之使右。欲右而掣之使左。以牧一人而伺其主十人。而主人各以其意喜怒之。凡吏之勤苦焦勞。日夜以承迎其上。無餘事也。故曰。令之難。非難於其官。而難於其爲其官之上者。今天子委任元輔。作新吏治。而子達方有志於爲民。而爲其官之上者。庶幾或少變前之爲者。

使之得盡其爲牧之事。余於子達之行有望焉。且以告其爲其官之上者也。

### 清汪琬送宋牧仲權贛州關序

康熙十七年仲冬之吉。刑部宋子牧仲方以才能簡任關使者於贛州。瀕行。京師諸相識率皆往而餞之。又以詩贈之。牧仲意猶未已。復命予序其端。予歎息謂牧仲曰。琬蓋嘗受教鄉先生矣。願明以語子。勝國時士大夫爲郎吏者。往往不樂任戶曹。爲戶曹者亦往往退讓。不欲以分司之職。受知於其長。爲分司者又皆不汲汲於征利。而惟務以寬恤往來之行旅。此所以商賈富饒。吏民安樂。而士大夫亦多廉恥之風也。比年以來。其時其勢。率異此。故關政日益嚴。而所以勾稽利敵者。亦日益巧。且密。於是商賈之子錢。易耗。耗多則舟車不前。而貿易漸稀。貿易者稀。則所產之地。患其不售。而遠方難得之物。黠者將居之。以爲奇。故其價急趨於翔踊。民間既騷然告困。而算緡者亦策無所出。爲國家致富之術。如是可乎。顧猶自詫曰。我才也。我能也。是知其一不知其二者也。以寬大爲政。以招徠拊惠爲心上。



不闕軍國之供而下。不詒遠人之怨。是在吾子勉之而已。至於贛州山水之雄。魚鮮橘柚花竹之美。與夫親舊僚友。攜尊設祖。殷勤道故。黯然傷別之情。舉凡見諸詩者。皆不暇以云也。

### 清胡天游送周司馬序

今世之制文吏不治兵。至中書舍人官視古尤異。其選以舉人必試之。書書爲衆人悅。乃得署。日入閣門下。札錄編敕。惟丞相左右指於天下事。不許列詔。下可否不敢持制詞。無所掌職事。無所發揮。容容循循。祿入不供。然以僂遷轉得舉進士。入翰林故居。其間者咸願守待不樂。外徙今年南澳司馬缺。宜舍人歲滿者授。于是西清周侯適當是行。羣惜侯者謂某某與侯同官。皆已取上第。或歷臺省。侯才右出丞相誠深。知勢得請留。奈何聽其出隨郡守後。或且謂侯南澳去京師萬里。孤懸大海中。俗獠風狷。面猩舌鳥。魚濤颶怪。蓄疾駭作。藪盜陸梁。島嘯舶突。倭人紅夷暹羅。荷蘭。東西南萍國。百千稱使貢市。獸情腥服。互雜紛呀。猝失威理。莫可

帖壓侯官中朝習從容文雅恐往非意所懌侯既受任無勉強辭色趣裝具約日以行聞司馬所治地六百里防閩奧間一得自爲政且獨有兵則大喜今夫儒者勢藉華處衣冠襜襜予之以變而不能定有衆而不能使利乎安而怯乎計不可爲通侯挾其有以殊于時無所于試惟棘壤阻隅亦庶自表甯媿媿終日關所施爲然則海遐崎嶇知方談笑以往而忘其慷慨也侯喜究兵法臨事不惑沈以有謀其至也登城而望重溟空虛天地解幟蜃鱷青紅倏忽明晦必有益自壯以聳其奇者予將逃而觀焉姑辭焉以俟

### 清孔廣森送同年洪員外督學湖北序

若夫兩重之旣八尺之竹雙騶稱媿擁油碧以前行三組垂腰懷銀黃而載道眾人以爲君榮豈君之所以自待者哉方敦牂紀歲呦鹿賓賢君以右棘之資奉南荆之使校文數千見士七十籠中良藥並貯葭苓座上佳材咸歸竹箭是則丹臺懸鏡青睞爲衡無偏無頗必誠必信君之所以自待僕亦信於君者素矣雖然仲

由○去○魯○朋○友○乞○言○士○會○違○秦○大○夫○贈○策○素○人○適○楚○僕○宜○有○辭○古○者○論○秀○於○鄉○設○序○  
於○術○祈○樂○已○入○齒○餘○子○於○下○庠○緯○耒○將○興○坐○父○師○於○左○塾○其○後○四○科○舉○孝○百○郡○興○  
廉○野○行○街○室○之○彈○朝○重○端○門○之○覆○故○有○絃○歌○瓠○葉○飲○射○桑○弧○令○長○乘○驢○則○山○陰○聚○  
市○童○年○牧○豕○則○廬○下○聽○經○莫○不○學○有○師○承○範○爲○士○則○三○代○以○降○兩○京○稱○盛○焉○國○家○  
建○立○校○官○分○行○使○者○出○疆○一○命○坐○領○百○城○所○以○宏○獎○書○林○整○齊○流○尚○其○寵○彌○至○其○  
任○彌○重○今○之○學○者○襲○爲○至○易○之○技○工○爲○無○用○之○言○以○詩○書○作○地○芥○之○媒○比○文○章○於○  
芻○狗○之○具○治○禮○記○者○喪○刪○其○簡○習○春○秋○者○傳○束○之○閣○至○於○四○書○之○外○八○比○之○餘○授○  
本○不○通○其○讀○稱○文○罔○識○其○訓○不○信○班○史○乃○傳○韋○賢○直○謂○鄴○都○曾○無○王○粲○雖○若○紫○陽○  
講○舍○白○鹿○精○廬○鄉○老○爲○師○貴○游○受○業○而○教○不○原○於○經○言○不○則○於○古○漫○云○進○士○賦○孤○  
竹○而○未○知○亦○有○侍○中○問○移○監○而○莫○對○又○況○十○室○之○邑○一○孔○之○生○目○不○接○於○耆○儒○耳○  
不○聞○於○碩○議○墨○程○積○卷○茶○首○爲○期○烏○足○語○鄭○賈○之○箋○疏○董○劉○之○經○義○也○將○使○儒○書○  
誦○習○學○術○修○明○遊○青○領○於○環○林○化○緇○紳○於○繫○拜○潁○川○文○學○能○爲○執○俎○之○容○蜀○郡○茂○

才解唱中和之樂。以至樵夫談道。幹吏佔經。戶識廉隅。家知禮讓。然後六行之儒。以道得民。再適之選。以賢馭貴。上不負天子樹人之意。下不失先師建善之風。其當於君有厚望也。與。

清吳錫麒送桂未谷出宰永平序

蠻花犵鳥之鄉。箐雨茅烟之路。則有哀牢舊國。蒙段故區。石色遮天。江聲殷地。猿  
猱騰踏。半是狹徒。魚米喧譁。間逢街子。僻陋成其風俗。侏離味乎語言。蓋永平者  
乃宙合之極邊。又滇南之遠界也。吾友未谷。青氈苦冷。墨綬希榮。鵬翅之擊三千。  
騏蹄之行萬里。視道若咫。凌虛可梯。輕馱如葉之裝。去試栽花之手。人皆謂一官  
白首。匹馬蒼山。聽鼓郵長。攀絕路險。當此風雨如晦。關河欲秋。胡獨不念薄宦而  
歛歔。感長途而躑躅乎。不知域中五嶽。登者侈爲奇觀。海外九州。聞者鬱其遐想。  
則夫振衣于羅木之嶺。擊楫于蘭倉之津。魚龍自飛。星斗皆大。花合千色。耀乎盛  
冬。禽分百音。喧于始旦。何不可藉。蠲羈抱。取暢吟襟。而況火種刀耕。將修爲治譜。

瓢。笙。蘆。笛。亦。叶。乎。輿。歌。此。未。谷。所。以。雲。不。知。停。而。日。如。方。出。牛。刀。莞。爾。鳧。飄。然。其。興。豪。其。趣。遠。已。獨。念。余。者。縞。紵。相。洽。歲。年。已。多。華。色。不。榮。玄。髮。已。素。引。杯。而。酌。漸。減。其。狂。懷。同。時。之。交。或。驚。爲。異。物。昔。者。舊。雨。什。伯。今。則。晨。星。兩。三。乃。復。折。柳。傷。離。題。襟。怨。別。遠。送。燕。臺。之。客。直。窮。洱。海。而。西。能。不。爲。之。墮。精。魂。落。顏。貌。哉。子。行。矣。留。子。不。能。勸。之。以。酒。樂。此。今。夕。歌。以。侑。觴。歌。曰。秋。風。吹。兮。北。斗。低。發。紅。照。兮。催。馬。蹄。望。之。不。見。兮。青。蛉。西。噉。噉。兮。蘆。笙。闐。闐。兮。銅。鼓。棘。童。歌。兮。苗。婦。舞。飲。和。風。兮。食。甘。雨。悲。莫。悲。兮。生。別。離。渺。渺。兮。長。相。思。待。子。政。成。兮。歸。何。時。攀。余。兮。蕙。帶。製。余。兮。荷。衣。誰。從。余。兮。江。之。湄。誓。旦。旦。兮。步。念。之。於。是。華。燭。將。燼。明。河。已。斜。幽。蛩。之。吟。若。換。乎。急。節。晨。鷓。之。噪。先。報。其。前。旌。諒。相。隔。於。天。涯。定。無。愆。乎。情。素。君。如。對。月。憶。顏。色。其。可。知。我。願。爲。雲。逐。輪。蹄。而。竟。去。

清張惠言送張文在分發甘肅序

古。之。所。謂。良。有。司。者。不。待。其。莅。政。治。民。也。觀。其。所。以。汲。汲。者。則。其。於。守。也。可。知。矣。



是故有躁進之心。則必有趨勢之術。有患貧之心。則必有冒貨之漸。雖有特達之才。廉恥之念。其人於勢利也。猶勒之在項。羈之在目。而以旋於磨。雖欲自拔。其足其勢。固不得已。嗚呼。今之有志於吏道者。鮮矣。今各省自州縣至丞尉。謁吏部而出者。歲數百餘人。其人皆有司牧之責。其閒亦有知名義識廉恥者。然吾觀其所。以進。爭尺寸之捷。較出入之勢。進退之機。則未有不求熟者。及其選而得官。則譁然曰。某地善。某地惡。得之者忻戚色。然問其所以爲善惡者。則非政之險易也。非民之淳澆也。曰某地官富。曰某地官貧。嗚呼。士未莅官。未治民。而所汲汲者如此。古之良有司。其終不可見乎。海鹽張文在。強毅慷慨。喜任俠。然敦爲孝弟。少舉於有司。困不遂。走京師。供事國史館。積若干年。以勤能例得府經歷。又幾年。史館移選人入吏部。文在例得與。而主者抑之不得選。今年秋。以貲入請試用。分發得甘肅甘肅地邊塞。民窮官貧。自長吏以下。不能具輿馬。士大夫宦者。視爲畏區。而文在。以落磊才。抱負奇氣。浮汨爲吏十餘年。更偃蹇擢困。始得一官。而當遠絕西徼。

家○又○甚○貧○。雖○相○知○者○皆○爲○文○。在○不○樂○。而○文○在○處○之○晏○然○。且○曰○。吾○聞○甘○肅○民○樸○而○政○簡○。長○官○無○奔○走○。賓○客○無○絲○役○。此○真○吾○所○樂○者○。君○子○於○是○知○文○在○之○賢○。其○不○躁○進○也○。其○不○患○貧○也○。其○有○守○也○。他○日○莅○政○治○民○。其○爲○良○有○司○也○。無○惑○焉○。於○其○行○序○以○送○之○。  
清梅曾亮送馬止齋序

同○里○。閉○通○饋○問○。嫁○子○聘○婦○。累○數○世○爲○姻○黨○。一○語○不○合○。尅○時○日○會○鬪○。甥○舅○兄○弟○。反○眼○不○相○識○。父○絕○女○。夫○棄○妻○。以○爲○此○仇○。家○人○不○可○共○飯○。食○居○處○。集○黨○與○兵○。仗○白○日○鬪○街○衢○。中○計○死○傷○。數○相○敵○。乃○已○。不○則○更○鬪○。嘗○畜○養○悍○少○年○。供○其○酒○肉○。敖○盪○官○索○。抵○罪○人○。則○以○應○吏○。隱○忍○。蓋○覆○其○曖○昧○。幸○以○無○事○。苟○名○捕○戎○首○。則○攬○捩○捍○拒○。不○可○以○徒○手○得○牒○。請○兵○吏○。大○府○且○以○爲○不○耐○事○。或○罷○去○。令○閩○中○者○。率○以○是○爲○大○患○。吾○友○馬○止○齋○。博○雅○好○古○。其○文○章○根○柢○兩○漢○。以○循○吏○興○教○化○。自○飭○道○光○十○七○年○春○。以○簡○發○令○。於○是○邦○人○皆○以○爲○非○武○健○。莫○能○勝○。今○任○君○傲○然○曰○。此○教○化○之○事○。豈○武○健○所○能○效○哉○。夫○教○化○必○刑○罰○輔○之○。吏○威○輕○則○無○以○成○教○化○。古○之○爲○循○吏○者○。必○後○威○。然○其○生○殺○人○之○權○。自○

在也。今之吏威蓋輕於古矣。恤恤乎不可不有以養之也。馭奴婢者平時無疾言。稍呵叱之則以爲大戒。故君子之愛用其威也如穀矢。然人不畏其破的之後而畏其持滿未發之先。誠知其一發而不可禦也。則雖鞭朴之威善養者可使重於刀。鋸此武健者不足與道之止齋其可也。

### 清梅曾亮送張梧岡序

法之正。千古不易。而用法之術。今古不同。古爲令者。百里之內。刑政自專。之通經術。習名法者。得自辟爲曹掾。逐捕吏兵。不待索而具。下有嗇夫鄉老亭長。分其職。而上獨一太守仰其成。其權專。其勢便。故事易行。文易文。武易武也。然終漢之世。循吏不過數人。而多以鷹擊毛鷲爲治。此無他。威生於易行。權便於獨斷。法不足以治人。人失而法隨之。故能守法以便民者。古循吏也。後世之制。大吏多而小吏少。令下有丞尉備員而已。而有六七級之上官。遞臨其上。士分於學。而官師不相兼。兵分於營。而文武不相屬。所指揮。獨有胥吏。皆恆產世業。自爲授受。非官所得。



專。上。下。之。情。途。人。無。以。異。其。權。分。其。勢。格。雖。武。健。恣。睢。之。人。不。得。顯。肆。其。暴。此。制。之。所。爲。得。也。然。人。不。足。以。勝。法。及。法。敝。而。人。亦。隨。之。其。有。能。執。法。以。安。民。者。則。今。之。循。吏。也。然。則。若。之。何。而。執。之。曰。今。之。法。固。足。以。困。賢。者。不。得。行。其。意。矣。其。藉。法。以。行。私。者。固。未。絕。於。世。也。然。則。法。所。能。困。者。吾。意。之。苟。可。以。止。而。止。者。也。吾。意。不。以。苟。可。以。止。而。止。法。固。不。能。吾。困。而。爲。吾。用。執。法。者。亦。善。其。術。焉。而。已。吾。友。張。子。梧。岡。謁。選。得。仁。化。邑。將。行。或。告。以。地。近。南。海。俗。悍。輕。宜。克。以。剛。者。然。循。吏。者。循。法。而。已。法。如。是。何。名。爲。剛。哉。不。善。其。術。而。有。意。於。剛。又。非。所。云。能。執。法。者。矣。昔。人。論。書。謂。結。字。今。古。不。同。而。執。筆。千。古。不。易。法。亦。猶。是。也。梧。岡。賢。者。而。深。於。書。則。於。是。必。能。推。而。合。之。

清董祐誠送洪右甫序

龍。心。夕。流。客。權。西。指。洪。子。右。甫。之。官。東。湖。離。筵。旣。張。執。友。麇。至。入。坐。之。燭。跋。未。逾。寸。贈。行。之。策。積。已。計。尺。右。甫。直。臣。之。子。也。堂。有。諫。笏。楹。承。遺。書。忠。孝。載。其。世。家。文。

獻徵於州郡。而乃一舉鄉貢。七踏金闈。鬢雖玄而漸渝。足未刖而已繭。給札三館。寫書十年。乃得注名銓曹。出宰下邑。斯行也。莫不惜其棲棘。慰彼折腰。而蒙有贈言。獨陳積感。夫百里雷震。上侔乎乾象。九邱星布。下協夫坤輿。固知四人之業。託於下體之居。六合之命。懸於縣令之宅。西京以郎官出宰。東雒則三公賜書。雖地絕承明。而職同清要。近代以來。斯風漸替。要其積習。更僕難窮。監司牧守。犄角而遙臨。米鹽凌雜。瑣屑而必達。執版白事。日已旰而未通。投牒請行。封經月而不下。毫毛則羽檄。星馳。厝火迺局。牀臥治一齊。眾楚置喙。無從十羊九牧。求芻何得其不可爲者一也。楚令尹之舊政。惟潤脂膏。王宛陵之去官。偏多家具。惟此空倉雀噪。武庫魚飛。已承瓜代之期。便致苞荒之吝。制使以調停爲籌畫。同官以狗曲作揶揄。必使李爲桃僵。樛因檀斲。竹木之焚。旣及池魚之悔。何從其不可爲者又一也。臺府供億。責及厠膾。郵亭望伺。勞等廝養。首已俛而入地。足將捷而上天。以致刺促入幕之賓。佐依優奉塵之輿。臺山中爰兔。乃號丈人。楚國綏狐。亦稱使者。莫

不指令長爲債帥。褫琴鶴作盜糧。鷹旣飽而遂颺。虎不飢而猶嚇。其不可爲者。又一也。期會之令。密逮錐刀。繭絲所供。嚴在圭粟。彫觚本以繩下。史掾藉以犯科。指東轍爲西塗。續鳧脰爲雁足。捩項撫背。望都廬之善緣。曳輿擊牛。斥郵良以賤御。遂使五官爲土木之骸。三尺甚燕秦之詐。其不可爲者。又一也。加以緇衣旣化。貪泉久甘。已慕釜中之羶。願從海上之臭。詣曹頭搶據。案心盲晨希顏色。似葉公之遇龍。暮長恣睢。等牛哀之化獸。治平自譽。咎沫土之民頑。催科課能。詡中牟之政異。蜚鴻滿野。詎解哀嗷。燕雀集衡。偏知五六。乃使扶杖之耆。撫心永瘳。長揖之士。高拱恥伍。吏治若此。誰爲爲之。然而風雨如晦。雞鳴不已。葦菴盈室。渚蘭自芳。蕭艾在陸。卷施獨勁。若右甫之貞規。夙植僮律。兼通不揚。澗以汨流。不跣地以疏世。而東湖復以西陵。門戶夏口。上游巴渝。荆豔俗少。陽橋遜寬。抗嚴尙餘。遺愛他日。銀手獨斷。金心自孚。顧建康之清醇。劉懷肅之簡惠。峴山地近。重刊思德之碑。桐鄉政成。更續名臣之傳。是亦黔玄之甚幸。而吾黨之嘉榮也。聊因縱酒。遂放卮言。

江秋正高。幸勉崇德。

### 清曾國藩送謝吉人之官江左序

吾湘鄉當乾隆時。人才殷盛。鄧筆山爲雲南布政使。羅九峯爲禮部侍郎。而謝薌泉先生爲御史。三人者皆起家翰林。而御史君名震天下。是時和珅柄國。聲張勢厲。家奴乘高車橫行都市。無所憚。御史君巡城遇焉。摔之出。而鞭之火其車於衢。世所稱燒車御史者也。其後二十餘年。御史君之子果堂以河南令卓薦召見。上從容問曰。汝卽燒車御史之子乎。不數月。遷四川知府。又十餘年。而謝吉人邦鑑復以進士出爲江南縣令。吉人御史君之孫。而知府君之弟之子也。將之官。其常所酬酢者。或爲詩送之。吉人乃索予爲序。而乞言以糾其不逮。於是拜手告曰。子今長人矣。四封之內。尊無與二堂上。頤指堂下。趨者百人所識。窮乏仰而待命。設館以延賓友。貌敬而情離。卽有不善。彼所謂趨者待命者。貌敬者。或知之而不諫。或諫焉而不力。吾以其身巍然處於衆人之上。而聰明識量。又誠越而倍之前。有

唯。後。有。諾。於。是。予。聖。自。雄。之。習。囂。然。起。矣。而。左。右。之。人。又。多。其。術。以。餌。我。內。之。傲。者。日。勝。外。之。欺。者。日。衆。茲。其。所。以。舛。也。昔。者。宓。子。賤。治。單。父。孔。子。曰。子。何。施。而。衆。悅。對。曰。此。地。民。有。賢。於。不。齊。者。五。人。不。齊。事。之。而。稟。度。焉。皆。教。不。齊。所。以。治。人。之。道。孔。子。歎。曰。其。大。者。乃。於。此。乎。有。矣。魯。使。樂。正。子。爲。政。孟。子。曰。好。善。優。於。天。下。東。漢。龐。參。爲。漢。陽。太。守。先。候。隱。居。任。棠。棠。不。與。言。但。以。薤。一。大。本。水。一。盂。置。戶。屏。前。抱。兒。孫。伏。戶。下。參。會。其。意。曰。水。者。欲。吾。清。也。拔。大。本。薤。欲。吾。擊。強。宗。也。抱。兒。當。戶。欲。吾。開。門。恤。孤。也。故。古。人。之。學。莫。大。乎。求。賢。以。自。輔。小。智。之。夫。矜。己。而。貶。物。以。爲。衆。人。卑。卑。無。足。益。我。夫。不。反。求。諸。己。而。一。切。掩。他。人。之。長。而。蔑。視。之。何。其。易。與。詩。曰。國。雖。靡。止。或。聖。或。否。民。雖。靡。臚。或。哲。或。謀。或。肅。或。乂。謂。求。賢。而。終。不。能。得。者。非。篤。論。也。今。震。澤。宰。左。君。青。峙。吾。湘。鄉。之。賢。者。也。任。俠。而。不。矜。諳。事。而。不。計。利。害。子。往。試。求。之。必。有。所。以。益。子。者。友。仁。以。礪。德。利。器。以。善。事。既。以。上。繩。祖。武。又。以。紹。諸。鄉。先。輩。之。徽。無。棄。爾。輔。員。於。爾。輻。青。峙。子。之。輔。也。抑。吾。聞。江。南。爲。仕。宦。鱗。萃。之。邦。



或因青峙而得盡交其賢士大夫是尤余所望也。

### 清會國藩送江小帆同年視學湖北序

今天下郡縣牧民之吏大抵以刑強齊之耳任蚩蚩者自爲啄息喜怒一不顧問至其犯法小者桎梏大者棄市豪強者漏網弱者糜爛苟以掩耳目而止原國家所以立法之意豈爾爾哉蓋亦欲守土者日教民以孝弟仁義之經不率而後刑之其率教而有文者則以進於學使者而登之庠序既登之矣則以授於校官而常飭之故古者飲射讀法在今日則守令之職而今之學政也者不過因文藝以別羣士之優劣因士之優劣以知守令教民之勤惰故巡撫者天子所使以察守土者養民之善與否也學政者天子所使以察守土者教民之善與否也承平既久法意寢失郡縣有司不知三物爲何事而教民之任獨以責之學政與校官而所謂校官者類多衰病晚暮之徒其祿不足自贍往往與學宮弟子爭錐刀之末不特不克助宣教化或轉餽言以蔽學政之耳目彼學政者孤懸客寄於一行省

之。中。守。土。者。皆。貌。敬。而。神。拒。之。日。憊。精。於。文。字。而。角。機。智。於。千。百。詭。弊。之。場。而。欲。以。餘。力。教。民。以。仁。義。孝。弟。之。經。其。不。亦。難。矣。哉。然。則。如。之。何。而。可。弊。之。除。也。先。其。甚。者。利。之。興。也。先。其。易。者。其。可。矣。自。功。利。之。說。中。於。膏。肓。學。者。求。速。化。之。方。束。髮。而。敝。精。於。制。藝。窮。老。而。不。休。六。經。至。不。能。舉。其。篇。目。何。有。於。他。書。今。欲。稍。返。積。習。莫。若。使。之。姑。置。制。藝。而。從。事。經。史。獎。一。二。博。通。之。士。以。風。其。餘。於。覆。名。扁。試。之。外。別。求。旁。搜。廣。采。之。術。凡。郡。縣。莫。不。有。書。院。大。率。廩。給。其。才。者。而。絀。其。不。能。者。名。曰。膏。火。所。以。濟。學。校。之。不。及。也。學。政。下。車。之。始。則。牒。各。縣。令。曰。明。年。吾。視。某。縣。學。當。以。某。經。試。士。能。背。誦。否。某。史。試。士。能。言。否。其。爲。我。播。告。偏。隅。咸。使。知。之。牒。校。官。曰。吾。按。臨。之。始。每。縣。當。選。諸。生。廿。人。說。書。有。不。至。惟。女。罰。及。其。按。郡。招。諸。生。來。前。果。使。背。誦。某。經。說。某。史。某。卷。大。指。能。誦。說。者。予。以。書。院。之。廩。資。尤。能。者。倍。之。三。之。尤。能。者。牒。送。省。會。之。書。院。亦。倍。其。廩。資。其。不。能。者。廩。生。削。其。餼。附。生。懲。辱。之。每。縣。試。以。三。四。人。則。餘。者。懼。矣。自。六。經。外。如。史。漢。莊。騷。說。文。水。經。文。選。宋。五。子。及。杜。韓。歐。

蘇曾王專集之屬。每縣使習一部焉。歲試使習者。科試則易之覆名。試以制藝。以彰朝廷之公令。面試說書。以鳴使者之私好。二者並行而不悖。皆善矣。則拔而貢之。成均。使彼邦之人。曉然知吾好博通之才。庶幾由文以溯本舉一以勸百。然後孝弟仁義之教。可以漸而興也。乘傳所經之地。有書院焉。則入而詔諸生以大義。彼邦有搢紳多聞者。則禮而薦之。爲郡縣書院之長。於是其亦可以樹之風聲矣。同年友江君小帆之視湖北學也。所以講求職思者甚備。余乃別思一搜采之術。無啟弊之竇。而有補教之旌者。於是以芟芟之說進焉。

### 清李慈銘送謝馨伯編修督學山西序

太行之西。并州之域。地迫邊塞。俗務商賈。山谷阻深。風氣褊急。弦歌之聲。少於籌算。衣冠之族。習爲儉陋。無齊魯之雍容。仍唐魏之儉嗇。故攬風景者。以爲荒涼。采聲詩者。疑其僻陋。然僂於神州。傳於圖志者。則有三焉。最爲勝絕。晉陽之側。實有晉祠。孕秀金天。毓靈唐叔。瀑注千仞。樹圍百重。架飛閣於夾谿。通邃廊於懸岫。涼



堂交蔭。仰不見天。曲洞朝陽。下視無地。古霜棲柏。是表縣甕之山。碧玉疏泉。分注臺駘之澤。誠中尉所樂述。柳州所豔吟。雁門樓煩。控帶朔漠。爲長城之鎖鑰。實畿輔之屏藩。句注絕雲。稱九塞之一。先兪巨雪。號四陵之西。鳥道翼跂。蟻隊臂接。一騎劣過。千峯互鉤。管涔枕汾。挹天池於飛翠。夏屋臨代。橫彖頭於積煙。登托羅之臺。風寒紫漠。弔偏頭之塞。血漬紅門。談形勝者。色飛懷義。烈者神竦。至於慮虜舊縣。厥有五臺。文殊之所證。因法蘭於焉飛錫。布金層巘。卓塔危岑。五峯若花。百剎簇筍。相輪孤建。赤奪天門之霞。神鏡萬羣。紅綴胡中之月。旌幢朝絢。不改冰霰之陰。鐘鼓夕宣。常出雷電之上。華雲曼衍。因香閣爲合離。奔風扶搖。循金繩而上下。樹辨秦漢。花迷夏夷。玉池導滹沱之原。祕魔俛飛狐之脊。讚佛者所莫究。探奇者所不窮。僕雅好游。生猶未逮。君以輶軒之使。恣登臨之奇。大夫九能。貴山川之可說。畫筱八尺。乃煙霞之畢掇。衡鑿所餘。賦詠斯廣。若夫學使之責。在於激揚。文章之道。本於訓誥。君夙懷忼慨。蓄意振興。彼都一隅。自唐及夏。宅京於此。有古帝王

之遺風。其在春秋。人材尤盛。羊肸之辨。趙衰之文。爲大雅之椎輪。實博物之宗子。況乎神聖載魄。陵傳其三嶽。瀆秩祠地。居其四。西河竹馬。不乏佳兒。姑射冰肌。非無處子。王官高隱之谷。太原鍛鏤之家。陶以楚材。儲爲國士。其勿以中說數簡。讀書一編。爲足賅洙泗之原流。守洛閩之衣鉢也。

### 清王拯送陳伯淵赴官東河序

自元都燕京。仰東南漕粟食京師。開會通河以濟運。治河者必兼治運。而治河益難。於是河患迄元明兩代鮮治日矣。本朝東南兩河。置督道及丞倅官數十百員。專理之。歲費金錢數百萬。使盡力疏築。雖謂百年晏安可也。而有司者幸歲無事。三沆不災。則肉山酒海。樗蒲博塞。歡舞淫佚。相慶樂以官中有用之財。貝揮之。不毫毛顧惜。平時蔬菜之事。不設於心。一旦風雨掣奪。有事計費。復數百萬。中朝大官。屢出相度。有司苟且抵塞。幸以卒事。當國家豐厚時。虛耗蠹蝕。不之病。及物力偏詘。大工大役。不能不撙節以爲出。而有司者復於撙節之數。媮減餘羨。如成例。

垂。成。之。功。往。往。以。費。誦。而。潰。事。一。不。集。又。悉。舉。計。費。之。數。百。萬。而。付。之。洪。濤。蓋。吾。所。聞。此。人。心。世。變。之。大。可。憂。而。豈。徒。一。河。之。爲。患。於。今。日。也。竊。嘗。論。以。天。下。之。財。治。天。下。之。事。罔。不。集。者。獨。以。一。事。之。用。而。百。端。罅。漏。叢。出。其。中。則。財。易。窮。而。事。必。償。而。世。乃。謂。河。防。之。官。必。當。疏。節。濶。計。不。可。斤。斤。然。惜。虛。費。而。致。敗。事。吾。以。爲。此。或。爲。督。道。大。吏。司。出。納。之。總。者。言。之。耳。惡。有。丞。倅。數。十。百。人。聲。色。奉。養。餽。遺。之。糜。散。而。顧。可。不。惜。者。哉。道。光。二。十。一。年。河。決。開。封。次。年。決。中。牟。今。歲。工。未。集。也。而。吾。友。陳。伯。淵。適。以。大。挑。知。縣。分。發。東。河。伯。淵。居。京。師。獨。嘗。自。憂。其。職。微。以。不。獲。行。所。志。爲。慮。以。其。所。言。伯。淵。必。能。於。其。官。也。伯。淵。之。行。亦。盡。其。可。能。爲。者。而。已。天。下。之。事。盡。吾。可。能。爲。而。他。莫。如。何。者。又。豈。獨。一。河。耶。

(乙) 督師

讀詩至車攻無衣小戎駟騶諸章勇士一人雄入九軍何其壯也

國家之命繫乎將帥祖餞之誼通於類禡取先天下武夫關其口而奪之氣昌黎所爲勛柳中丞者也錄王芥子張濂亭文共四首

清王太岳送固原齊都督之楚序

西北之戍。通號爲九邊。秦有三焉。將率之官。列土而鎮者。天下六十有五。佩印者。十秦有七焉。所以據形勢。慎封守。重委寄也。然諸鎮雖擁旄節。專方面。顧其地之大以要也。又嘗置重臣以護諸軍之事。俾司其節制。而一其號令。於是延綏興漢。河州之衆。咸隸於原州督軍之府。而原州左控函秦。右帶隴坂。極睇沔漢。還倚夏州。交枕互蔽。以爲四會之塞。士馬之籍。以躡計者。至於倍萬。以指計者。至五萬有奇。士皆追奔拉虎。奮前而恥後。故常翔踴。謹諷以樂效。一旦之用。而當其平居無事。或御不以道。則且狼顧鸚視。猝無以寧服其心。而盡其氣力。故朝廷選帥倍慎。於他州誠重之也。乾隆二十年。太岳蒙恩備兵斯土。時則昌黎齊公以節督秦軍。予得以職事從公。晨夕相好也。當是時。西戎新定。王庭絕幕。空磧萬里。而凶豎逆醜。奔跳竄伏。轉搆他部。以煽餘燼。朝廷不欲窮示威武。特以曠騎三千。輕行倍進。游徼所至。因順利便。穴燻而枝翦之。然而飛輓無所用。其勞供億無所煩。其費天

子端坐法宮。機神內運。窮遐極幽。列近藩闔。尺一夜下朝。以千里豪盈。髮虛動。應機會。陽施陰闔。翕若神羣。公僇力肅龔。廟謨郡縣。吏民風行。波涌咄嗟。集事而太岳初試吏職。罕所更涉。每奉符牒。恆營累息。進而謁公。方且指顧笑語。靜若無事。退而考公之爲。精敏明密。皆若夙辦。所部數千里中。智力齊一。呼吸轉運。如左右手。軍書徵發。未嘗後時。予固已心異公矣。然公平時不用一切苟且之法。勤教課。謹名實。明賞罰。人皆兢兢莫敢慢惰。顧其既久。衆情益親。吏士材鄙。無不盡力。家門老稚。小大之業。無不周知。疾痛患苦。無不可告訴。公私悅樂。人以大和嗚呼。其可謂能也已。公所歷官。咸著名蹟。然而原州最爲久治。比戊寅正月。有詔移楚。於是公帥秦七年矣。士肅於伍。馬實於廄。軍府內外。細大之務。秩然條理。吏特通咨。啟謹亭堠而已。會上以公所撫士爲可用。既悉發精銳。以誅逋賊。又會前所遣輕騎連戰有功。黨與略盡。渠魁自殲。旁近諸夷。以次卽序。旋師飲至。時日期指。公方坐幕府。擁賓佐。搗塵嘯詠。以樂無事。而新除遽下。受代且有日。於是觀聽之情。



以爲公之政既成勞既積而公亦已去矣太岳辱與公交爲久故於其行也意既不能自釋而公之吏士奔走朝夕謀所以留公而不得者亦將託於予文以道其戀思以庶幾公之不遽忘於此土也亦聊以比於古之贈策者而已

### 清張裕釗送合肥李相國督師秦中序

同治七年合肥相國李公既定河北承命以湖廣總督還鎮武昌明年冬復詔公督師滇黔未及行而陝西事方棘乃又詔公援陝西議者以陝西自昔王者所都山河四塞於古爲重地故朝廷以公往裕釗以謂不然夫古今世變與時推移形勢亦因之殊異自國朝都燕京威德覃於海外由京師以東起碣石循海而南蹕禹貢青徐二州之域包吳廣陵至閩浙右轉薄廣州遐方殊鄰舟航輻湊浮海沂江琛晝達於江漢天子命公建節鄂中據上游以臨制東南攬江海握樞要之勢也廟算之所圖遠矣若夫秦隴滇黔介居鹵陲領阨之間於方今形勢猶爲次之然朝廷以公往非重其地獨任公治之也善爲國者靖內以及外削平寇亂用兵



之道先其易者而後治其難。今秦隴滇黔之寇非有不可量之志。深固久遠之謀。直撫御失宜以至斯耳。夫以公文武之資。帥素練之衆。以治羣賊。譬猶鼓炎火以爇焦葦也。一舉而燄燔燼滅。無餘蓄矣。二陲既定。迴旆東指。返於舊鎮。修舉政治。以備不虞。淵居密運。以銷折未萌之患。薄海之地。萬里之遙。專坐而制之。凶狡窺覷之徒。卻顧而不敢動。寂處而雷聲隱几。而清天下斯乃朝廷所以始終任公之意也。裕釗用敢推論其事。以祖公行且卜公來返之有日云。

清張裕釗送富桂卿都護入覲序

國家發祥勿吉肇基遼瀋。遂以有天下。太祖高皇帝既宅都瀋陽。命曰盛京。世祖受命盛京。寧古塔黑龍江。並設官吏宿衛兵。以充奉上都。康熙中寧古塔黑龍江復改置將軍鎮守。而寧古塔將軍尋移鎮吉林之烏喇城。參錯碁峙。雄踞海右。世所稱東三省者也。地西起山海關。東薄海南鄰高麗。北接俄羅斯。方萬九千里。山川蟠積巖壘險固。民俗朴忠。雄武材木鹽鐵金珠玉石。弩矢人。獲狐貂熊鹿虎豹。

馬牛羊之產沃饒冠天下自太祖太宗世祖資之以奄有區夏訖康雍乾嘉廟堂有所誅討八旗勁旅所至有功東三省天下莫強焉歲久忸怩治安稍益挺懈屬日有俄人之虞咸以爲憂會天子方詔中外大臣博議邊事於是江寧副都統吉林富君疏陳東三省利病及施設所宜謀畫周悉甚至而兩江總督劉公復密疏薦君忠勇明練且舊居東土諳習事宜可屬以重任有詔召君至京師衆知天子且屬君以東事也君顧深退抑自以弗堪任且行謂裕釗愛我莫子若子何以益我裕釗曰東三省龍興舊壤形便之勝物產之豐鎧馬之精彊士民之純固莫與爲比患獨難得其人耳夫擅富強之資席可爲之勢不務求得其人修政自彊舉先朝丕基寶地萬里懋聽其若沈若浮而莫爲之所一旦有虞瞠目變色相視不知所出已乃甘低首下心撤藩開戶揖豺狼窺窳而進之使天下忠臣志士拊膺叩心雷聲憤歎謀國何其謬計者歟且攻守之宜強弱之勢用兵長短之數非有常也昔我太祖之興明人常倚恃火器礮突我軍太祖獨專任騎射堅定奮發猶

終踣而勝之。今彼之所長。我得兼勞逸之形。主客之勢。我得制。賢能如君。朝廷誠舉是畀之。以起衰振弊。強本折衝。至易也。今天下患莫適任事者。得能任事如君。善矣。裕釗復何言。抑裕釗乃私獨懼君之勇任事耳。且夫乘積弊之餘。處狃常蹈故之俗。驟而矯之。則人情之所不順。衆意而我奮。衆窳而我良。彼實不能。乃倪其旁。而有媚心焉。恬蕩以爲無涯。處子嬰兒。與物委蛇。徐蹈其巖。而握其機。持之以堅刃。摩之以歲時。及其久也。披卻導窾。冥運闇移。蠖伏雷動。鬼神聽隨。天地開曙。改觀易慮。功立而衆莫知其爲之。古之任大事者。所以能信其志。而無天闕。要諸其終。而不隳。未有不由此者也。彊主莠民。張國雪恥。率是道行之。蔑不濟矣。吾告子止於是矣。君憬曰信然。子爲我書而志之。遂書以祖君行。

清張裕釗送吳筱軒軍門序

光緒六年。國家以索取伊犁地。再遣使至俄羅斯。議未決。於是徵調勁旅。分布諸邊爲備。命宿將統之。而山東登萊青諸郡。三面阻海。其燕臺尤當番舶往來要隘。

有詔命山東巡撫周公督辦山東軍務。而以浙江提督吳公副焉。吳公於時方留防江南。且行。謂裕釗。吾實驚下。不任是。又始至。人與地不相習。吾之心實惴惴焉。吾蚤夜以思。盡吾力之所能爲。其濟若否則聽之。吾以誠自處。而以謙處人。勞則居先。而功則居後。若是其免乎。裕釗曰。大哉言乎。易中孚謙之明夷。其辭皆曰。利涉大川。以實心任事。事無大必濟。能下人者。衆附而功集焉。公誠率是言。而允蹈之。奉以終始。寧惟山東。雖以濟天下可也。天下之患。莫大乎任事者好爲虛僞。而士大夫熹以智能名位相矜。自夷務興。內自京師。外至沿海之地。紛紛藉藉。譯語言文字。製火器。修輪舟。築礮壘。歷十有餘年。糜帑金數千萬。一旦有事。責其效而茫如捕風。不實之禍。至於如此。海外諸國。結盟約。通互市。帆檣錯於江海。中外交際。糾紛錯雜。闐咽膠轕。國家宿爲懷柔。包荒以示廣大。雖元臣上公。忍辱含垢。一務屈己。而公卿將相大臣。彼此之間。上下之際。一語言之違。一酬酢之失。刻繩互競。忿恨憤忮。莫肯先下。置國之恤。而以勝爲賢。撻於市。而諄於室。忘其大恥。而修

其○小○忿○何○其○不○心○競○者○歟○國○之○所○以○無○疆○外○侮○之○所○以○日○至○其○不○以○此○歟○今○公○之○所○稱○故○乃○一○反○是○異○乎○今○之○君○子○者○矣○中○丞○周○公○故○與○裕○釗○舊○也○裕○釗○夙○知○之○其○執○誠○與○謙○宜○亦○與○公○同○二○公○協○恭○同○德○揖○志○以○輯○東○土○裕○釗○橋○首○而○旣○成○功○之○有○日○也○公○行○矣○公○之○往○其○駐○師○必○於○登○州○吾○聞○登○州○城○闔○之○上○有○蓬○萊○閣○焉○自○昔○海○右○雄○特○勝○處○也○異○日○者○公○與○周○公○大○功○告○成○海○寓○清○晏○裕○釗○雖○老○矣○猶○思○褰○裳○往○從○二○公○晏○集○於○斯○閣○稱○述○今○日○之○言○而○券○其○信○俾○倪○東○海○之○上○憑○檻○而○舉○一○觴○雖○二○公○其○亦○躋○裕○釗○爲○知○言○乎○其○爲○樂○豈○有○極○乎○

(丙)出使

春秋戰國行人將命輝煌記載專對尙焉自後世大一統之說深入人心凡在四裔日以蠻夷乃至國勢既衰而成見猶不可拔交際所由多償也昌黎老泉望溪諸作躬際盛時詞鋒橫驟張趙生下季世高掌遠蹠不爲目論斯識時之士矣錄文共五首

唐韓愈送殷員外序



唐受天命爲天子。凡四方萬國。不問海內外。無小大。咸臣順於朝。時節貢水土百物。大者特來。小者附集。元和睿聖文武皇帝。旣嗣位。悉治方內。就法度。十二年。詔曰。四方萬國。惟回鶻於唐最親。奉職尤謹。丞相其選宗室四品一人。持節往賜君長告之。朕意又選學有經法。通知時事者一人。與之爲貳。由是殷侯侑自太常博士。遷尙書虞部員外郎。兼侍御史。朱衣象笏。承命以行。朝之大夫。莫不出餞。酒半。右庶子韓愈執蓋。言曰。殷大夫。今人適數百里。出門惘惘。有離別可憐之色。持被入直三省。丁寧顧婢子。語刺刺不能休。今子使萬里外國。獨無幾微出於言面。豈不眞知輕重大丈夫哉。丞相以子應詔。眞誠知人士不通經。果不足用於是。相屬爲詩以道其行云。

### 宋蘇洵送石昌言舍人北使引

昌言舉進士時。吾始數歲。未學也。憶與羣兒戲先府君側。昌言從旁取棗栗啖我。家居相近。又以親戚故。甚狎。昌言舉進士日。有名。吾後漸長。亦稍知讀書。學句讀。



屬對聲律未成而廢昌言聞吾廢學雖不言察其意甚恨後十餘年昌言及第第  
四人守官四方不相聞吾日以壯大乃能感悟摧折復學又數年遊京師見昌言  
長安相與勞問如平生歡出文十數首昌言甚喜稱善吾晚學無師雖日爲文中  
心自慙及聞昌言說乃頗自喜今十餘年又來京師而昌言官兩制乃爲天子出  
使萬里外疆悍不屈之虜廷建大旆從騎數百送車千乘出都門意氣慨然自思  
爲兒時見昌言先府君旁安知其至此富貴不足怪吾於昌言獨自有感也大丈  
夫生不爲將得爲使折衝口舌之間足矣往年彭任從富公使還爲我言曰旣出  
境宿驛亭聞介馬數萬騎馳過劍槩相摩終夜有聲從者怛然失色及明視道上  
馬迹尙心掉不自禁凡虜所以誇耀中國者多此類也中國之人不測也故或至  
於震懼而失辭以爲夷狄笑嗚呼何其不思之甚也昔者奉春君使冒頓壯士健  
馬皆匿不見是以有平城之役今之匈奴吾知其無能爲也孟子曰說大人則藐  
之況於夷狄請以爲贈

清方苞送徐亮直册封琉球序

皇帝御極之五十有七年。册封琉球國嗣孫尙敬爲中山王。故事以部郎儀狀端偉蓄文學者。假一品服奉册以行。天子命擇詞臣。衆皆隱度徐編修亮直爲宜。及命下。果爲介。自秦漢以後。中國有事於四夷。其爲將則効命力於鋒鏑。其爲使則折衝口舌之間。以求得其要領。故承命者多以爲難。今天子德威遐暢。方外鄉風。小夷喁喁企瞻。使節承命者有將事之榮。而無失得之恤。故人爭羨之。遭遇異時。亦物情之不足怪者也。吾聞古之贈行者必告以所處。今亮直之行也。雖折衝口舌之勞無事焉。又其地絕海萬里。政教所不經。卽詩人所謂諮詢諏度者。亦無庸以告也。亮直夙以文學知名。茲其行也。其耳目震駭乎乾坤之廣大。而精神澡雪於海山之蒼茫。吾知其文章必有載之而出者矣。

清張裕釗送黎蕤齋使英吉利序

泰西自前古不通中國。泊明中葉。利瑪竇艾儒畧之徒。始以其術游內地。國朝開

統○聖○祖○仁○皇○帝○嘉○西○洋○赫○赫○之○精○特○旌○異○之○於○是○來○者○益○衆○閩○粵○瀕○海○之○區○市○舶○  
稍○稍○集○矣○百○有○餘○年○至○於○道○光○之○際○而○海○疆○始○有○兵○革○之○事○其○後○國○家○懷○柔○綏○服○  
一○務○兼○容○并○包○遠○撫○長○駕○威○德○覃○於○遐○裔○是○以○殊○域○輻○湊○通○互○市○結○盟○約○者○至○五○  
十○有○餘○國○泰○西○人○故○擅○巧○思○執○堅○刃○自○結○約○以○來○數○十○年○之○間○益○鑄○鑿○幽○渺○智○力○  
鋒○起○角○出○日○新○無○窮○其○創○造○輿○舟○兵○械○火○器○暨○諸○機○器○之○工○研○極○日○星○緯○耀○水○火○  
木○金○土○石○聲○光○氣○化○之○學○上○薄○九○天○下○繚○九○幽○剝○剔○造○化○震○駭○鬼○神○申○法○警○備○礪○  
若○金○石○發○號○施○令○疾○馳○若○神○又○以○其○舟○車○之○力○窮○極○六○合○四○遠○五○大○洲○之○地○無○所○  
不○洞○豁○徬○徨○四○達○競○相○師○放○精○能○俶○詭○甚○盛○益○興○天○地○剖○泮○以○來○所○未○嘗○有○也○蓋○  
嘗○論○天○地○之○化○古○今○之○紀○天○人○相○與○構○會○陰○陽○以○之○盪○摩○窮○則○變○變○則○通○而○世○運○  
乃○與○爲○推○移○上○古○人○民○鳥○獸○錯○處○巢○窟○之○居○毛○血○之○食○羽○革○之○衣○聖○人○者○作○立○君○  
臣○上○下○興○修○禮○樂○制○度○備○物○制○用○通○變○宜○民○遞○相○損○益○天○下○文○明○虞○夏○殷○周○之○世○  
稱○極○盛○焉○周○道○衰○而○至○於○秦○一○革○除○先○王○之○法○封○建○井○田○學○校○典○禮○文○物○掃○地○俱○

盡更立新制。卒漢唐之世。不能易也。唐末之亂。以迄五季。輾轉遷貿。盡逐其故。田賦兵制。選舉學術。俗化與兩漢以來。泮渙殊絕。宋明以還。承而用之。而蒙古及聖清之有天下。混一華裔。方制數萬里。土宇販章。跨越百代。若今日其尤世變之大。且劇乎。天實開之。人之所不能違也。而當世學士大夫。或乃拘守舊故。猶尙鄙夷。詆斥。羞稱其事。以爲守正不撓。烏乎。司馬長卿有言。鷓鴣已翔於寥廓。而羅者猶視夫藪澤。豈非其惑歟。夫以學士正人之不習乎此。於是當事乃一切以求能習。知此者而任之。則其所得。乃皆庸猥。汗下賈豎。輿隸之流。稍能通彼語言。與一二瑣事者。也。如彼等者。烏足以任此。適足爲遠人之所嗤而已矣。邇者一二遠識之士。稍知二者之弊。議欲得雋異志節之彥。相與精求海國之要務。以籌備邊事。蓋疆本折衝。尊主庇民之計。誠莫先乎此。而朝廷方簡重臣。通使諸外國。使遐邇中外。益通達無阻。於是黎君蒞齋。自州牧授三等參贊大臣。從使英吉利。將行。問贈言於裕釗。夫覘國之道。柔遠之方。必得其要。必得其情。得其要。得其情。而吾之所

以應之者。乃知所設施。且卽吾所爲乘時順天。承敝易變。使民不勸者。神而明之。利而用之。亦可以得其道矣。蕤齋之賢。其必能心喻乎此。以俟異時。受任國家之重。而副海內之望也。它日歸。吾將從而訊之。

清趙銘送許竹簣侍講出使序

夫英猷遐鷺。必爭壇坫之光。奇儁挺生。不限區陬之識。是以飛矢在上。轉轂方邁。運籌於中。折衝斯遠。然而端木。連鑣於四國。延陵。結紵於五邦。僅涉中華。未踰稗海。若乃仙槎西指。渺渺星河。紫氣東來。暉暉暘谷。小朱昂之萬卷。目隘寰中。大鄒衍之九州。身馳域外。而臨歧贈策。繾綣平生。祖道傾尊。流連日夕。情之所軫。儻可言歟。許子竹簣。訂交構李。通籍蓬萊。校篇則井絡騰文。蘊略而滄溟入抱。屢陳封事。密叶神謨。博覽宗彝。殫精大約。出持三山之節。風引船回。歸侍雙闕之班。日臨仗曉。茲以今年甲申四月。由翰林院編修補授侍講。尋拜恩命。奉使泰西。鼇禁分符。輔之英蕩。麟臺入對。重以國書。九能造命之才。五善周咨之選。非徒資黼黻。定



訐謨也。柔遠之經。字小之道。將於是乎寄焉。秦遠不隔乎旃幪。鞮胥能達其聲教。攷其行軺所至。曰德意志。曰法蘭西。曰意大利。曰和蘭。曰奧大利亞。之數國者。皆在黃道以北。黑海之西。夷堅所不志。章亥所未步也。使指有歸。請爲揚摧。昔者晉要子駟。惟彊是從。秦背令狐。惟利是視。今之絕域。積有斯風。充狙欲而求馴。時虎飽而殺。怒君子懼焉。抑知官非都護。道在羈縻。憑一介之遙通。示八荒之無外。大川之涉。信及豚魚。敵邑之閒。取其麋鹿。相與捐細。故尋舊盟。採白狼檠木之歌。守黃龍清酒之約。若是者。爲締交。大秦古寺。曾祀祇神。首善書院。乃來教主。膜拜盛於竺國。威燄虐於帝師。意大利實始濫觴。法蘭西於焉樹幟。遂使爲叢毆爵。升木教。揉雖難語。以革心。當隱使之帖耳。若是者。爲弭釁。飛車入貢。楛矢來庭。學神弩於眉珠。賦寶刀於大食。古來利器。半出窮荒。德意志者。席戰勝之威。侈鉤強之備。戈船橫海。鬪艦若山。槍飛火以雷轟。礮發機而霆駭。銀誇飾杖。鐵號迦沙。則以家令之智囊。儲征南之武庫。總其犀櫜。奠我鯤濤。若是者。爲肄武。門關稽稅。周漢相



沿市舶置司。宋元彌盛。夷攷南洋。列埠。勑自和蘭。爰及神州。益通旁國。行繪絮於  
徼外。植葡萄於苑中。數馬歸資。蹊牛論罰。然而弘羊。輶算非西域所得。爭李牧市  
租。詎北庭之可貸。雖崇大體。貴示微權。若是者。爲阜商交聘者。錯於途。迂勞者。待  
於境。重門洞啟。邸舍宏開。彼呼中土。爲仙宸。我履滄瀛。若平地。亦知秦爲大鳥。未  
可獨招佛視。海鷗無妨狎處。於以靖邊候。治國聞游紀。而發金壺宅。交而辨銅柱。  
若是者。爲測微長春。西游之記。劉郁西使之編。副在職方。垂爲掌故。以之上窮倚  
杵。下察廣輪。山川風土之殊。政教器名之別。犁軒善眩。波斯多珍。有異必搜。無奇  
不錄。證周髀四隕之說。拾疇人九算之遺。若是者。爲蒐佚且夫縱橫者才也。凝靜  
者志也。涵濡者化也。潤色者文也。君以專對之詞。曹爲識時之俊。傑披卻道。窾漆  
園之旨。可尋排難解紛。魯連之風。何遠競綵。胥泯非繞。指以爲柔。謀斷兼資。且虛  
心而集益。必能燭機。於先兆。繼好於後來。至於藻采所敷。華風與被。雞林市上。定  
傳居易之詩。吐谷牀頭。行庋子昇之卷。瑤林珠樹。地望爭誇。電策。飆輪。天機欲舞。

彼都士女。豔李揆之姓名。異域公卿。服徐陵之翰札。子弟置諸莊嶽。齊傅幸其無咻。金水產自雲洲。楚材信其可用。此又俱歸陶鑄。益富雕鏐。寫賓館之餘閒。足道山之清話者矣。僕馮唐易老。燭武無能。垂白相嘲。勝青滋媿。比值轡軒之出。首從析木之津。槐雨浣襟。蘭風振袂。相思烟墨。話文字之前緣。極目滄波。悵帆檣之遠渡。攬轡且難乎爲別。贈車則不若以言爲送。飛鴻藉當前馬。鑿空萬里。敢期博望之受封報。最三年再俟韓侯之入覲。

(丁) 佐幕 古者公府吏掾皆其自辟。幕府之制。此實濫觴。士不得權與位。得人而佐之。功業在人。無異於己。濂亭之論。違矣。豈區區作上賓稱揖客云爾哉。錄昌黎以下文共六首。

### 唐韓愈送石處士序

河陽軍節度御史大夫烏公爲節度之三月。求士於從事之賢者。有薦石先生者。公曰。先生何如。曰。先生居嵩邙。溼穀之閒。冬一裘。夏一葛。食朝夕。飯一盂。蔬一盤。

人與之錢則辭請與出遊未嘗以事辭勸之仕不應坐一室左右圖書與之語道理辨古今事當否論人高下事後當成敗若河決下流而東注若駟馬駕輕車就熟路而王良造父爲之先後也若燭照數計而龜卜也大夫曰先生有以自老無求於人其肯爲某來邪從事曰大夫文武忠孝求士爲國不私於家方今寇聚於恆師環其疆農不耕收財粟殫亡吾所處地歸輸之塗治法征謀宜有所出先生仁且勇若以義請而彊委重焉其何說之辭於是撰書詞具馬幣卜日以授使者求先生之廬而請焉先生不告於妻子不謀於朋友冠帶出見客拜受書禮於門內宵則沐浴戒行事載書冊問道所由告行於常所來往晨則畢至張上東門外酒三行且起有執爵而言者曰大夫真能以義取人先生真能以道自任決去就爲先生別又酌而祝曰凡去就出處何常惟義之歸遂以爲先生壽又酌而祝曰使大夫恆無變其初無務富其家而飢其師無甘受佞人而外敬正士無昧於詔言惟先生是聽以能有成功保天子之寵命又祝曰使先生無圖利於大夫而私

便其身。先生起拜祝辭曰：敢不敬蚤夜以求從祝規。於是東都之士咸知大夫與先生果能相與以有成也。遂各爲歌詩六韻，退愈爲之序云。

### 唐韓愈送溫處士赴河陽軍序

伯樂一過冀北之野而馬羣遂空。夫冀北馬多天下，伯樂雖善知馬，安能空其羣邪？解之者曰：吾所謂空，非無馬也。無良馬也。伯樂知馬，遇其良，輒取之，羣無留良焉。苟無良，雖謂無馬，不爲虛語矣。東都固士大夫之冀北也。恃才能深藏而不市者，洛之北涯曰石生，其南涯曰溫生。大夫烏公以鈇鉞鎮河陽之三月，以石生爲才，以禮爲羅，羅而致之幕下，未數月也。以溫生爲才，於是以石生爲媒，以禮爲羅，又羅而致之幕下。東都雖信多才士，朝取一人焉，拔其尤；暮取一人焉，拔其尤。自居守河南尹，以及百司之執事，與吾輩二縣之大夫，政有所不通，事有所可疑，奚所諮而處焉？士大夫之去位而巷處者，誰與嬉遊？小子後生，於何考德而問業焉？縉紳之東西行過是都者，無所禮於其廬。若是而稱曰：大夫烏公一鎮河陽而東

都處士之廬無人焉。豈不可也。夫南面而聽天下。其所託重而恃力者。惟相與將耳。相爲天子得人於朝廷。將爲天子得文武士於幕下。求內外無治。不可得也。愈縻於茲。不能自引去。資二生以待老。今皆爲有力者奪之。其何能無介然於懷邪。生旣至。拜公於軍門。其爲吾以前所稱爲天下賀。以後所稱爲吾致私怨於盡取也。留守相公首爲四韻詩歌其事。愈因推其意而序之。

### 清邵齊燾送黃生漢鏞往徽州詩序

黃生漢鏞。故以童子受知武進賢令新城王公。王今擢徽州府同知。兼攝郡符。將往從焉。路指歙溪。棹開吳市。煙波渺渺。嶂嶺盤盤。事迫饑驅。義兼負米。情篤知惠。性愛巖壑。粵以首夏。忽乎將行。余講文此邦。纔逾二載。空空自笑。愧韓愈之抗顏。濟濟相趨。得孔融之小友。方欣起予。遽慨離羣。目極長衢。心馳遐路。垂楊濯濯。落絮繁愁。芳草芊芊。成茵藉恨。谷禽睨皖。求友相鳴。津樹扶疎。落帆何處。西陵浙水。知有遇風之詩。漁浦桐廬。曾無維舟之待。新知生別。悲樂萃於一時。病骨空囊。勞



懷極於千里。不能餽贖壯行。酌樽敘別。裁詩四首。聊代疏麻。漢鏞旣得。余詩卽夕。盡次其韻。清源自濬。逸藻不停。感藉詞傾。情緣墨露。嘗覽陳書。見孝穆與總持唱和。乃言吾詩寄弟集中。今老夫此詩。亦欲寄漢鏞集也。

### 清邵齊燾送顧古湫同年之荆南序

別方不定。萬族共其銷魂。秋士多悲。四感紛其在。抱品物恆性。皆懷求友之歡。含生大情。咸有慕徒之戀。至如及關聞歎。登岳流謠。郊路班荆。河梁攜手。羈旅離別之際。古人亦皆有不能已者乎。古湫四兄。日下無雙。江東獨步。同年之友。一時之傑。齊瑟自奏。見奪盈庭之竽。隨照相投。或按中宵之劍。京塵淹久。亟共隨寒。歧路無端。乍乖雲雨。粵以建亥之年。仲秋之月。將從蓮府。遠適荆南。月明千里。蟲吟四壁。風篁淒而軒序。涼烟嵐清而林野。肅寒蟬抱樹。驚征客之秋心。候雁銜蘆。極愁人之遠望。指塗衡霍。擊汰沅湘。杜汀蘭畹。正則之所行。吟陶牧。昭邱仲宣之所遊。目涉彼迴路。謝此倫好。離筵召悲。別景加促。執手一去。填膺百憂。於時如蘭舊侶。



傾蓋新知。竝爲歌詩。以慰行役。昌黎之畱。東野有願。爲雲休文之別。安成還期。識路故人。遠去蒼黃。贈處之言。密友將離。慷慨攀援之意。輒用序而錄之。凡若干首。其詞云爾。

清李慈銘送施均甫之蘭州序

歷。潼。關。以。西。驚。背。華。嶽。而。北。馳。越。梁。岐。涉。澹。渭。車。箱。之。谷。若。衝。高。壙。之。城。偃。天。雪。山。皚。皚。六。月。飛。霓。涇。水。混。混。一。斗。飲。泥。汎。國。之。川。爾。雅。以。爲。西。極。積。石。之。阜。禹。貢。遂。窮。河。源。羈。客。以。之。慄。魂。行。子。望。而。沮。色。叔。皮。辭。難。感。槩。北。征。之。篇。票。鶴。出。師。張。皇。西。度。之。役。況。吾。子。罷。上。計。困。長。飢。走。萬。里。以。謁。軍。門。抗。三。伏。以。趨。關。塞。尺。寸。之。牘。挾。爲。行。媒。食。頓。之。資。仰。給。征。侶。瘦。馬。衝。淖。單。車。逐。蓬。卷。衣。裳。以。裹。書。無。童。僕。以。應。使。烈。日。炙。其。肩。背。凍。雨。漂。其。枕。衾。探。丸。之。豪。狙。視。於。林。莽。當。道。之。獸。游。行。乎。市。塵。尤。足。增。牢。落。之。悲。損。馳。驅。之。氣。然。而。隴。西。天。水。漢。郡。比。之。遠。畿。涇。原。平。涼。唐。道。列。之。關。內。山。西。出。將。萃。六。郡。之。良。家。涼。土。多。才。有。三。明。之。佳。士。何。嘗。非。神。明。之。奧。

府衣冠之望。鄉水土沃饒。山河雄固。足以屏藩。秦地鎖鑰。邊城而地。偪戎羌。世多失馭。永寧板蕩。予大馬以鷗。莒寶應陸梁。致吐蕃之豨突。遂使金城負險。玉門阻兵。康狼馬屯。悉姚伏之戰壘。浩疊湟水。照罕勃之明駝。雖大中振威。河湟解辦。熙寧斥境。洮岷置軍。然旋歸鐵勒之羣。難畫曩霄之界。天梯蕩蕩。不散妖氛。好水沈沈。莫收戰骨。視臨洮爲甌脫。等河右於外區。武弛戈鋌。文窮韜略。渾城馳騎。愁過平川。仲淹臨邊。空分西市。夸壯游者爲之回轡。嗜紀異者爲之廢觚。故子美詩。豪止吟秦塞。長公文。富不及河西。卽謂際身聖朝。拓疆萬里。自出嘉峪。以抵伊犁。凡漢時所謂烏孫龜茲城郭諸國。設官疆索。立學興材。化戈壁爲田疇。編瀚海於戶籍。天竺之山。北拱蔥嶺。之水東流。以視皋蘭。近爲腹地。然當潢池盜弄。元黃蘖牙。燧燧徹乎甘泉。鞞鼓震於駱谷。鐵脰黑齒之醜。徧屯隴坻。欣飛羽林之軍。愁渡洛。納金隄。決而王尊。質銀刀。變而長源。殲亦幾同。武始之羈縻。比狄道於荆棘。今則楚軍賈勇。使相莅戎。一戰而關隴平。再戰而甘涼達。逮收金積。遂落旄頭。枹罕爲

舉部之降。靈武請獻城之命。於是屬夷獸迸。商賈鱗趨。君得以褒衣大袂。登車攬轡。河聲夏壯。走魚龍於怒濤。嶽色朝寒。呈花萼於飛翠。訪周秦之宮闕。攷漢唐之陵墓。郵驛既盡。幕府遂開。晉國旌旗。遠耀九秋之上。臨淮壁壘。高據三秦之顛。珠履滿於賓筵。絳幘奉其食器。看子荆之長揖。待孔璋以飛書。燕支滿山。以遺妻子。蒲桃積斛。以釀酒醪。此亦足以盪奇胸。稱快事矣。況君雅負文學。尤喜詩歌。三絕書碑。不無索靖。五言送別。或遇李陵。居延出泉。磨盾鼻之墨。昆侖飛月。照手中之杯。恢拓高談。張皇勝致。將見花門大定。振天山饒吹之聲。莎車畢來。編絕代轡軒之語。

清張裕釗送張生謇之山東序

通州張生。力學行治古文。而益有意於當世之務。余嘗以其文學可斬。至於古人。其用足效於世也。生舊居軍門吳公幕中。吳公故賢者。甚重生。倚生如左右手。生亦貍貍效忠直。不倚嬰爲負。天下推吳公。亦益知生。及今茲。吳公奉詔襄山東軍。

事益以生偕往。余爲祖其行。且曰。昔韓退之贈李生之行。以爲李公在南陽公之側。有所不知。知之未嘗不爲之思。有所不疑。疑之未嘗不爲之言。勇不動於氣。義不陳乎色。南陽公舉措施爲。不失其宜。天下之所窺觀。稱道洋洋者。抑亦左右前後有其人乎。又曰。舉之不以吾所稱。待之不以吾所期。李生之言。不可出諸其口矣。退之蓋重惜李生。懼其忠不見庸而爲是言也。今生之於吳公。固無慮是而生不言。生則後李生。不能辭其責矣。且夫負越俗之資。有高世之志。則莫不欲有所立於時。雖然。必有其位。必有其權。權與位之得。是有命焉。非人之所能必也。抑又有時焉。不可驟而致也。不得其權。與其位。與其時。得有其權。與位者。而佐之道。孚而志。應諫從。而言聽。功之立志之行。其在人也。猶其在己也。士之有蘊於內。不得其權。與位。又不得其人。鬱積奇偉。噤不得用。黯黹以終身。功不章於世。利澤不得施於人。何可勝道。生其亦得矣。生益勉乎哉。海氛日惡。天下震駭。迷謬譏貶。儒術土苴。聖制崩首。島夷生亮。吳公經武。伐謀料敵。制勝戮鯨鯢於東海。築京觀成山。

之。罌。之。上。刷。盪。國。恥。張。我。皇。靈。下。逮。眈。庶。靡。不。厭。服。俾。天。下。心。折。儒。生。之。效。關。其。口。而。奪。之。氣。豈。不。偉。哉。豈。不。偉。哉。余。日。夜。傾。耳。跂。足。以。望。之。生。也。

(戊)致仕

引年之典。所以重老。政治隆窳。於此可覘。楊少尹之歸。不絕其祿。周屯田若不釋然。降是則龍峯無疾報罷矣。越縵序高次風。謗譴交加。怵然見仕宦之嶮巇。衰世秕政。所謂每下愈況者耶。錄文共四首。

唐韓愈送楊少尹序

昔疏廣受二子以年老一朝辭位而去。於時公卿設供。張祖道都門外。車數百兩。道路觀者多歎息泣下。共言其賢。漢史既傳其事。而後世工畫者又圖其迹。至今照人耳目。赫赫若前日事。國子司業楊君巨源。方以能詩訓後進。一旦以年滿七十亦白丞相去。歸其鄉。世常說古今人不相及。今楊與二疏其意豈異也。予忝在公卿後。遇病不能出。不知楊侯去時。城門外送者幾人。車幾兩。馬幾匹。道邊觀者亦有歎息。知其爲賢。與否而太史氏又能張大其事。爲傳繼二疏蹤跡否。不落莫。



否見今世無工畫者而畫與不畫固不論也。然吾聞楊侯之去丞相有愛而惜之者。白以爲其都少尹不絕其祿。又爲歌詩以勸之。京師之長於詩者亦屬而和之。又不知當時二疏之去有是事否。古今人同不同未可知也。中世士大夫以官爲家。罷則無所於歸。楊侯始冠舉於其鄉。歌鹿鳴而來也。今之歸指其樹曰某樹。吾先人之所種也。某水某邱。吾童子時所釣遊也。鄉人莫不加敬。誠子孫以楊侯不去其鄉爲法。古之所謂鄉先生沒而可祭於社者。其在斯人歟。其在斯人歟。

### 宋曾鞏送周屯田序

士大夫登朝廷年七十。上書去其位。天子官其一子而聽之。亦可謂榮矣。然而有若不釋然者。余爲之言曰。古之士大夫倦而歸者。安居几杖。膳羞被服。百物之珍好自若。天子養以燕饗。飲食鄉射之禮。自比子弟。袒裼鞠臙。以薦其物。諮其辭說。不於庠序於朝廷。時節之賜。與縉紳之禮於其家者。不以朝則以夕。上之聽其休。爲不敢勤以事。下之自老爲無爲而尊榮也。今一日辭事返其廬。徒御散矣。賓客



去矣。百物之順其欲者不足。人之羣嬉屬好之交不與約居而獨遊散棄乎山墟。林莽僻巷窮閭之間如此。其於長者薄也。亦曷能使其不欲然於心邪。雖然不及乎尊事。可以委蛇其身而益閒。不享乎珍好。可以窒煩除薄而益安。不去乎深山長谷。豈不足以易其庠序之位。不居其榮。豈有患乎其辱哉。然則古之所以殷勤奉老者。皆世之任事者所自爲於士之倦而歸者。顧爲煩且勞也。今之置古事者。顧有司爲少耳。士之老於其家者。獨得其自肆也。然則何爲動其意邪。余爲之言者。尚書屯田員外郎周君中復。周君與先人俱天聖二年進士。與余舊且好也。旣爲之辨。其不釋然者。又欲其有以處而樂也。讀余言者。可無異周君而病今之失矣。

### 明王慎中送程龍峯郡博致仕序

嘉靖二十三年。制當黜陟天下。百司庶職報罷者。凡若干人。而吾泉州儒學教授程君龍峯。名在有疾之籍。當致其事以去。程君在學。方修廢起墜。蒐遺網失。以興

學成材爲任。早作晏休。不少惰怠。耳聰目明。智長力給。非獨精爽有餘。意氣未衰。至於耳目之所營。注手足之所蹈。持該涉器數。而周旋儀等。纖煩勞憊。莫不究殫。勝舉不知司枋者。奚所考而名其爲疾也。黜陟之典。將論賢不肖。以馭廢置人之有疾與否。則有命焉。賢不肖之論。非可倚此以爲斷也。況於名其爲疾者。乃非疾乎。人之賢不肖。藏於心術。效於治行。其隱微難見。而形似易惑。故其論常至於失實。非若有疾與否。可以形決而體定也。今所謂疾者。其失若此。則於賢不肖之論。又可知矣。此余所以深有感也。又有異焉。古者憲老而不乞言。師也者。所事也。非事人也。所謂以道得民者是也。責其筋力之強。束課其骸骨之武健。是所以待猥局冗司之末也。古之事師也。其飲食於飯。患其噎。於馘。患其哽。而祝之也。其居處於坐。則有几。於行。則有杖。皆所以事師而修其輔羸攝疴之具。未聞以疾而罷之也。古之道。其不可行於今乎。程君之僚。與其所教諸生。皆恨程君之去。謂其非疾也。余故論今之失。而及古之誼。使知程君雖誠有疾。亦不可使去也。君去矣。斂其

所學以教鄉之子弟。徜徉山水之間。步履輕翔。放飯決肉。豐饌自喜。儻有訝而問者。君胡無疾也。聊應之曰。昔者疾而今愈矣。不亦可乎。

清李慈銘送高次封太守歸利津序

丁卯四月。太守高君以瘖疾罷郡。治任將歸。予乘小舫送之。咸歡河側。夫更代之際。仕宦所難堪。別離之頃。朋友所慘戚。況君以馮唐之年。抱焦先之疾。賓客盡散。吏役擲揄。國無祖筵。郊無飲帳。行李蕭特。山川黯然而予與君有同官之雅。託相知之深。凡君之忤上官。治大姓。絕宵人。懲奸吏。皆與予事相連。謗亦隨及。則君之去也。曷能無言。今夫驚颿轉輪。不能動地。疾湍走舳。無由撼山。故貞柯之姿。因霜雪而彌厲。香草之鬱。炳膏脂而愈芳。出處均涂。榮辱任遇。君早淬正學。峻風裁生。齊魯之邦。習伏鄭之教。登鄉書者十二年。始成進士。觀政戶曹。都中百司。閒冷爲職。獨地官之屬。幹運錢穀。鎔轄利權。天下視爲膏腴。朝廷倚其籌算。望郎氣炎。灼灼爲甚。侈濮陽之酒肉。飾臨汝之車牛。外結吏胥。內交宦寺。道光以後。四方用兵。

帑藏久虛。餉犒尤亟。於是大鹽大冶。爭以貨進。郎選益衰。利術亦殫。人人自以爲  
弘羊不數。劉晏復生。持權軋傾。輕俠竝用。斗筲姓名。錄錄可筭。而君澹若無與。泊  
焉寡營。官郎署者二十年。始以上考。出爲吾郡。越新復於寇。又遭大水。巨浸稽天。  
民棲山堞。橋堰盡壞。田不可耕。而郡之摺絆。犷禍怙惡。視爲利藪。時浙之大吏。出  
於兵子。納貨方競。州縣瘠饒。皆有則程。上蒙下欺。諱言歉災。君始莅任。蹙頞嗷野。  
申請振贍。謀所安集。而兩邑之令。方興催科。林居虎冠。計晦斂賄。率倍常賦。名修  
海塘。大肥其家。君力相抗。柱卒於不勝。由是羣狙聚雷。併力撼君。第五之議。發倉  
欲因委罪。嚴認之期。閉閣將以見徵。西隄甫完。東閘告塞。三縣之水。邕而不流。萬  
頃之田。潦以不治。君大集繇更。廣設畚缶。督視疏鑿。躬爲拊勞。露宿兼旬。風雪不  
解。遂中危疾。口不能言。視事甫期。因之去位。王尊之捍瓠。子方欲填身。劉馥之治  
芍陂。竟以成疾。懿美所紀。前修曷備。至於待予之誠。尤見古人之誼。予初入戶部。  
君爲陝西司主稿。於曹中資最深。曹之故事。掌印與主稿者。頤指令史。鼻胤刺天。

寮吏唯阿。嚴事惟謹。鈴尾畫諾。不問所事。尙書侍郎。呵殿而至。揜袖抱牘。揚揚升堂。寮吏稱媿。魚貫側行。屏息立後。不出一語。長貳相見。莫知誰何。前者咨事。旣完。復隨其後。卻縮而退。歸夸妻子。以爲今日對尙書。爭某事。談遷除之消息。數車乘之輝煌。至度支。何所籌。平準何所恃。孰爲竭澤。孰爲漏卮。出入十年。芴莫一致。予抱冰子之癖。乏山郎之錢。往往箕踞。以對要人白眼。以目詔客腰扇。所障莫名。何官策蹇。所經從不入署。蓋與君同寮者二年。惟一見相揖而已。及君出守。適予告歸。虛已諮詢。有逾疇昔。屈年申敬。致饋明虔。舍輿以就華圭。懷金而資飭粥。會叢山之乏。長講席久虛。君奉幣造廬。禮請再四。時居鄉者。珂轍相望。皆久齒科第。敷歷省臺。又多與君爲同年。或挾朝貴之牘。要說百端。排擻互起。效婢膝於暮夜。張幟矢以滿天。而君守志益堅。奮髯抵几。以爲名山之席。豈較官資墨敗之夫。何堪師長。烏虜昔者。陳留問士。止有子尼。皇甫迎賓。惟知逢掖。以予之植身。積俗埋掌。橫流許靖之忤。鄉評待供馬磨。吳質之抗。郡品誰作。溺攢指原次。以跖徒目施。媿爲



顛醜而君之匡持雅道鎮遏浮言較之翁子下車禮故交之錢勃長孫馳記修灑  
埽於龍邱垂爲佳談蓋又遠過夫會稽名郡節義所區自官師失人禮教不立君  
之施設冀起貪頑月計有餘歲周竟去吳民挽鄧慨謝令之難推潁川送黃恐屠  
伯之將至驪駒已奏鶴首遄征江上一帆送旌旆以遠去署中孤榻接筇屐以何  
期繞城荷葉田田去思臨路榴花悠悠水驛利津地接勃海郡係樂陵魚鱸大饒  
杭稻易熟解章組就田園扶子攜孫強飲飽食青山無恙傳衣冠洛社之圖惠風  
遠來發鼓角雷門之響

(己)寧親 親在遠遊歸而定省禮也贈言者大抵敦敘彝倫澡雪其精神磨  
礱其志業悠乎有息壤之思焉錄文共三首

### 唐韓愈送區冊序

陽山天下之窮處也陸有邱陵之險虎豹之虞江流悍急橫波之石廉利侔劍戟  
舟上下失勢破碎淪溺者往往有之縣郭無居民官無丞尉夾江荒茅篁竹之間



小吏十餘家。皆鳥言夷面。始至言說不通。畫地爲字。然後可告。以出租賦。奉期約。是以賓客遊從之士。無所爲而至。愈待罪於斯。且半歲矣。有區生者。誓言相好。自南海拏舟而來。升自賓階。儀觀甚偉。坐與之。語文義卓然。莊周云。逃空虛者。聞人足音。蹙然而喜矣。況如斯人者。豈易得哉。入吾室。聞詩書仁義之說。欣然喜。若有志於其間也。與之翳嘉林。坐石磯。投竿而漁。陶然以樂。若能遺外聲利而不厭貧賤也。歲之初吉。歸覲其親。酒壺旣傾。序以識別。

### 宋歐陽修送田畫秀才寧親萬州序

五代之初。天下分爲十三四。及建隆之際。或滅或微。其在者猶七國。而蜀與江南地最大。以周世宗之雄。三至淮上。不能舉李氏。而蜀亦恃險爲阻。秦隴山南。皆被侵奪。而荆人縮手歸峽。不敢西窺。以爭故地。及太祖受天命。用兵不過萬人。舉兩國如一郡縣吏。何其偉歟。當此時。文初之祖。從諸將西平成都。及南攻金陵。功最多。於時語名將者。稱田氏。田氏功書史官。祿世於家。至今而不絕。及天下已定。將

率無所用。其武士君子爭以文儒進。故文初將家子。反衣白衣。從鄉進士舉。於有司彼此一時亦各遭其勢。而然也。文初辭業通敏。爲人敦潔。可喜歲之仲春。自荆南西拜其親於萬州。維舟夷陵。予與之登高以遠望。遂游東山。窺綠蘿溪。坐盤石。文初愛之。留數日乃去。夷陵者。其地志云。北有夷山。以爲名。或曰。巴峽之險。至此地始平夷。蓋今文初所見。尙未爲山川之勝者。由此而上。泝江湍入三峽。險怪奇絕。乃可愛也。當王師伐蜀時。兵出兩道。一自鳳州以入。一自歸州以取。忠萬以西。今之所經。皆王師嚮所用。武處覽其山川。可以慨然而賦矣。

清洪亮吉送奎文閣典籍陳嵩歸里省親序

柔兆執徐之歲。予自黔中入都。卸裝閑廛。僦屋瑣巷。於是有挾素業以就質。操鄉語而通款者。則如皋陳肖生也。望衡對宇。幾將一周。連輿接茵。曾不間日。越歲二月。陳君將歸。爰擇令辰。集勝侶。挈北地之果。醞南中之樽。以敖以遊。卜晝卜夜。所以申聚散之感。極欣戚之致焉。蓋其人也。超超不羣。落落自喜。逾叔夜之疎嬾。有

周朗之偏奇病渴。既久。反購茂陵之姬。斷餐不顧。方招東國之友。賃地一尺。必栽梨桃。租居數椽。先貯彝鼎。衡門晝開。遲不速之友。蕭寺夜入。繡無礙之經。有勸以疎樓護之故人。接陳遵之要客。徙居綏福之坊。屏跡蕭閒之里者。君不以彼易此也。其官也。儒林丈人。南閣祭酒。周栩畢世。不離乎王門。景丹四科。乃官乎國邸。而且研摩六藝。總領羣經。類陳農之訪書。同子政之校閣。從大夫之後。豈曰能賢近聖人之居。是亦爲政。卽有誇六曹之要。陳三館之清。矜再命之榮。侈一邑之富。以耀之者。君不以彼易此也。其家也。大江流其右。碧海居其左。積沙成田。陽侯代其灌溉。因樹爲屋。野鳥與之毗。依螺蛤滿港。以供丈人之餐。潮汐過門。無煩少婦之汲。遊心八埏。極目千里。卽有以市南閩之蔗橘。販北海之魚鹽。羅東莞之珍奇。輦西秦之玉石。以動之者。君不以彼易此也。其業也。顧愷一廚。宗測數障。涉筆偶及。五嶽成乎臥遊。含毫自如四序。由其變易。敗紙退筆。與篋笥之衣。競夥殘朱。剩黃視妝閣之粉。尤富一月之內。面壁者乃有二旬。六時之間。據案者或過卅刻。此則

蕭賁傳世。詎假親賢。野王發名。不由學業。卽有陳九歌之詭麗。摩六發之雄奇。狀左思之賦十年。述曹植之詩七步。以敖之者。君亦不以彼易此也。君行矣。偏親在堂。室老無恙。雖客路千里。續命之丹。屢緘而星紀。二周當歸之藥。頻寄遠遊。有戒去日。苦多。則於君之行也。詠南陔。白華之什。以代折楊。黃荅之曲。可乎。

(庚)答人 往而不來。是爲非禮。答人之作。亦一體也。錄二首。

### 宋王安石同學一首別子固

江之南有賢人焉。字子固。非今所謂賢人者。予慕而友之。淮之南有賢人焉。字正之。非今所謂賢人者。予慕而友之。二賢人者。足未嘗相過也。口未嘗相語也。辭幣未嘗相接也。其師若友。豈盡同哉。予考其言行。其不相似者。何其少也。曰。學聖人而已矣。學聖人則其師若友。必學聖人者。聖人之言行。豈有二哉。其相似也。適然。予在淮南。爲正之道子固。正之不予疑也。還江南。爲子固道正之。子固亦以爲然。予又知所謂賢人者。旣相似。又相信不疑也。子固作懷友一首遺予。其大略欲相

扳以至乎中庸而後已。正之蓋亦嘗云爾。夫安驅徐行。轡中庸之庭。而造於其堂。舍二賢人者。而誰哉。予昔非敢自必其有至也。亦願從事於左右焉。爾輔而進之。其可也。噫。官有守。私有繫。會合不可以常也。作同學一首。別子固。以相警。且相慰云。

### 宋王安石送孫正之序

時然而然。衆人也。已然而然。君子也。已然而然。非私己也。聖人之道在焉爾。夫君子有窮苦顛跌。不肯一失。詘己以從時者。不以時勝道也。故其得志於君。則變時而之道。若反手然。彼其術素修而志素定也。時乎楊墨。已不然者。孟軻氏而已。時乎佛老。已不然者。韓愈氏而已。如孟韓者。可謂術素修而志素定也。不以時勝道也。惜也。不得志於君。使眞儒之效。不白於當世。然其於衆人也。卓矣。嗚呼。予觀今之世。圓冠。峩如大裙。襜如坐而堯。言起而舜。趨不以孟韓之心爲心者。果異衆人乎。予官於揚。得友曰孫正之。正之行古之道。又善爲古文。予知其能以孟韓之心。



爲心而不已者也。夫越人之望燕爲絕域也。北轅而首之。苟不已。無不至。孟韓之道。去吾黨。豈若越人之望燕哉。以正之之不已。而不至焉。予未之信也。一日得志於吾君。而眞儒之效。不白於當世。予亦未之信也。正之之兄官於溫。奉其親以行。將從之。先爲言以處予。予欲默。安得而默也。

(辛)留別

行者有贈。居者有處。其從來久矣。錄八首。

唐王勃秋晚入洛於畢公宅別道王宴序

下官才不曠俗。寵不動時。充皇王之萬姓。預乾坤之一物。早師周禮。偶愛儒宗。晚讀老莊。動諧眞性。進非干物。自疎朝市之機。退不邀榮。誰識王侯之貴。散琴尊於北阜。喜耕鑿於東陂。野老披荷。暫辭幽澗。山人賣藥。忽至神州。驚帝室之威靈。偉皇居之壯麗。朝遊魏闕。見軒冕於南宮。暮宿靈臺。問絃歌於北里。交情獨放。已厭人閒。野性時違。少留都下。道王以天孫之重。分曲阜之新基。畢公以帝室之華。擁平陽之舊館。迹塵鐘鼎。思在江湖。居榮命於中朝。接風期於下士。綠縑朱紱。且混



以蘿裳列樹崇軒坐均於蓬戶賓主由其莫辨語默於是同歸終大王之樂善備  
將軍之揖客是日也雲繁雨驟氣爽風馳高秋九月王畿千里高肩向術似元禮  
之龍門甲第臨衢有當時之驛騎英王入座牢醴還陳高士臨筵樵蘇不爨是非  
雙遣自然天地之間榮賤兩忘何必山林之下玄談清論泉石縱橫雄筆壯詞煙  
霞照灼旣而神馳象外宴洽寰中白露下而南亭虛蒼煙生而北林晚鷄鷓始望  
不及牲牢麋鹿長懷非忘林藪先生負局倦城市之塵埃遊子橫琴憶汀洲之杜  
若況乎迹不皆遂時不再來屬宸駕之方旋值羣公之畢從洛城風景此會無期  
戚里笙竽浮歡易盡仰雲霞而道意舍塵事而論心夏仲御之浮舟願乘春水張  
季鷹之命駕思動秋風策藜杖而非遙整柴車之有日青溪數曲幽人長往白雲  
萬里帝鄉難見安貞抱璞已甘心於下走全忠履道是所望於羣公儻心迹克諧  
去留咸遂廟堂多暇返身滄海之隅軒冕長辭迴首箕山之路尋赤松而見及泛  
黃菊以相從雖源水桃花時時失路而幽山桂樹往往逢人庶公子之來游幸王

孫之畢。至茅君待客。自有金壇王烈迎賓。還開石架。惟恐一邱風月。侶山水而忘年。三徑蓬蒿。待公卿之來日。對光陰之易晚。惜雲霧之難披。羣公葉縣。鳧飛入朝。廷而不出。下走遼州。鶴去謝城。闕而依然。敢抒重襟。爰疏短引。式命離前之筆。希存別後之資。凡我故人。其辭云爾。

### 唐王勃春夜桑泉別王少府序

下官以窮途萬里。動脂轄以長驅。王公以傾餞百壺。別芳筵而促興。是以青陽半序。明月中宵。離亭擁花草之芳。別館積琴歌之思。去留歡盡。動息悲來。惜投分之幾何。恨知音之忽問。他鄉握手。自傷關塞之春。異縣分襟。意切悽惶之路。既而星河漸落。烟霧仍開。高林靜而霜鳥飛。長路曉而征驂動。含情不拜。空佇聽於南昌。揮涕無言。請投文於西候。因探一字。四韻成篇。

### 唐王勃還冀州別洛下知己序

東西南北。邱也何從。寒暑陰陽。時哉不與。河陽古樹。無復殘花。合浦寒煙。空驚墜

葉○王○生○賣○藥○入○天○子○之○中○都○夏○統○乘○舟○屬○羣○公○之○大○會○風○煙○匝○地○車○馬○如○龍○鐘○鼓○沸○天○美○人○似○玉○芳○筵○交○映○旁○徵○豹○象○之○胎○華○饌○重○開○直○抉○蛟○龍○之○髓○季○鷹○之○思○吳○命○駕○果○爲○秋○風○伯○鸞○之○適○越○登○山○以○求○淥○水○辭○故○友○謝○時○人○登○鄂○坂○而○迂○迴○入○邨○山○而○奔○走○何○年○風○月○三○山○滄○海○之○春○何○處○風○花○一○曲○青○溪○之○路○賓○鴻○逐○暖○孤○飛○萬○里○之○中○仙○鶴○隨○雲○直○去○千○年○之○後○悲○夫○光○陰○難○再○子○卿○殷○勤○於○少○卿○風○景○不○殊○趙○北○相○望○於○洛○北○鴛○鴦○雅○什○俱○爲○贈○別○之○資○鸚○鵡○奇○杯○共○盡○忘○憂○之○酒○

宋向敏中留別知己序

古者無患身不立。患道之不彰。偉哉達士之格言。人倫之妙端也。敏中始學於六經。舊史氏見砥名勵行。濟時於有道者。則臨文慨慕。景遺範而耿光。見竊榮冒進。致身於非據者。則執卷窮微。想前事而太息。頃歲嘗侍立於先人。謂予曰。矜功者弗立。僥望者勿成。無徇俗以強媒。苟名而自是。三省前訓。克荷靡忘。暨予忝官。聿來南夏。終朝若厲。臨事且繁。總地千里。成賦百萬。編民剛勁。庶務稠雜。約乎風土。

陋。豫。章。之。輿。壤。比。其。井。制。越。金。陵。之。上。邦。布。術。懜。從。繩。之。理。化。民。無。偃。草。之。謠。迅。速。周。天。迭。換。四。稔。忽。奉。宸。詔。俾。歸。闕。庭。駕。言。于。邁。中。心。鬱。然。同。年。執。友。通。才。巨。儒。咸。賦。以。序。文。歌。詩。送。別。者。多。矣。其。閒。探。味。述。作。希。閱。詞。旨。大。約。以。踐。清。華。居。近。密。名。器。偉。重。組。紱。超。峻。爲。進。身。之。望。也。激。揚。之。意。雖。知。己。之。虛。談。潤。色。之。詞。復。文。士。之。恆。態。豈。若。出。直。言。以。誠。之。垂。有。益。以。喻。之。使。敏。中。於。太。平。之。朝。彰。其。道。成。其。業。去。邪。助。正。嫉。惡。揚。善。移。風。以。變。俗。悛。僞。以。復。古。則。可。矣。將。逮。於。竊。榮。冒。進。之。輩。豈。可。得。乎。況。立。性。甚。拙。揣。心。愈。疎。嘗。以。居。人。臣。之。位。握。刑。賞。之。柄。煥。耀。當。世。賁。飾。後。昆。者。宜。乎。富。於。道。德。飽。於。忠。鯁。求。於。至。理。盡。於。至。公。然。後。不。求。名。而。名。自。彰。也。不。竊。榮。而。榮。自。至。也。設。不。能。量。力。以。再。思。約。己。以。務。進。逐。本。徇。末。爭。利。忘。義。心。爲。蠹。螫。面。作。狐。狸。縱。巖。冠。鳴。珮。左。金。右。玉。上。倚。千。尋。一。去。九。萬。躡。跡。於。賢。人。君。子。之。右。者。復。不。愧。歟。願。言。故。交。勉。樹。令。德。俟。他。日。將。前。言。以。辨。釋。之。則。知。敏。中。平。生。之。志。有。在。矣。

元吳澂別趙子昂序

盈。天。地。之。閒。一。氣。耳。人。得。是。氣。而。有。形。有。形。斯。有。聲。有。聲。斯。有。言。言。之。精。者。爲。文。文。也。者。本。乎。氣。也。人。與。天。地。之。氣。通。爲。一。氣。有。升。降。而。文。隨。之。畫。易。造。書。以。來。斯。文。代。有。然。宋。不。唐。唐。不。漢。漢。不。春。秋。戰。國。春。秋。戰。國。不。唐。虞。三。代。如。老。者。不。可。復。少。天。地。之。氣。固。然。必。有。豪。傑。之。士。出。於。其。閒。養。之。異。學。之。到。足。以。變。化。其。氣。其。文。乃。不。與。世。而。俱。今。西。漢。之。文。最。近。古。歷。八。代。浸。敝。得。唐。韓。柳。氏。而。古。至。五。代。復。敝。得。宋。歐。陽。氏。而。古。嗣。歐。而。興。惟。王。曾。三。蘇。爲。卓。之。七。子。者。於。聖。賢。之。道。未。知。其。何。如。然。皆。不。爲。氣。所。變。化。者。也。宋。遷。而。南。氣。日。以。耗。而。科。舉。又。重。壞。之。中。人。以。下。沈。溺。不。返。上。下。交。際。之。文。往。往。沽。名。釣。利。而。作。文。之。日。以。卑。陋。也。無。怪。其。閒。有。能。自。拔。者。矣。則。不。絲。麻。不。穀。粟。而。纈。毯。是。衣。蛄。蛤。是。食。倡。優。百。態。山。海。百。怪。畢。陳。迭。見。其。歸。欲。爲。一。世。所。好。而。已。夫。七。子。之。爲。文。也。爲。一。世。之。人。所。不。爲。亦。一。世。之。人。所。不。好。志。乎。古。遺。乎。今。自。韓。以。下。皆。如。是。噫。爲。文。而。欲。一。世。之。人。好。吾。悲。其。文。爲。文。



而使。一。世。之。人。不。好。吾。悲。其。人。海。內。爲。一。北。觀。中。州。文。獻。之。遺。是。行。也。識。吳。興。趙。君。子。昂。於。廣。陵。子。昂。昔。以。諸。王。孫。負。異。材。丰。度。類。李。太。白。資。質。類。張。敬。夫。心。不。挫。於。物。而。所。養。者。完。其。學。又。知。通。經。爲。本。與。余。論。及。書。樂。識。見。復。出。流。俗。之。表。所。養。所。學。如。此。必。不。變。化。於。氣。不。變。化。於。氣。而。文。不。古。者。未。之。有。也。子。昂。亟。稱。四。明。戴。君。戴。君。重。廬。陵。劉。君。鄱。陽。李。君。三。君。之。文。余。未。能。悉。知。果。一。洗。時。俗。所。好。而。上。追。七。子。以。合。於。六。經。亦。可。謂。豪。傑。之。士。已。余。之。汨。沒。豈。足。進。於。是。哉。每。與。子。昂。論。經。究。極。歸。一。子。昂。不。予。棄。也。南。歸。有。日。詩。以。識。別。

### 清姚鼐贈程魚門序

余初識魚門於揚州人家坐上。白皙長身美髯。言論偉異。自是相愛敬。魚門來官京師。乃益親去歲。同纂四庫全書。因日日相見。至今歲。余始將去。余與魚門一別於揚州。後六年。余由京師歸家。別於京師。後又六年。魚門南游江淮。轉入梁宋。復別余去。後四年。至今日。前之別。皆未幾。卽見。今之去。其見時未可期也。余幼於魚。



門十四歲始相識。余年二十八。今逾四十。多羸病。思屏於江濱田間。以自息。魚門意氣亦不如故。修髯蒼蒼。大半白。相對言。今昔事有足慨者。人欲握手交歡。杯酒道款。曲則鄉里親舊。多有之。至縱橫往復古。今賢士術業言足起人意。非遇海內豪傑之士。不可得也。是以今者。余益有慕乎魚門。夫士處世難矣。羣所退而獨進。其進罪也。羣所進而獨退。其退亦罪也。天地萬物之變。人世夷險。曲直好惡之情。態。工文章者。必抉摘發露。至盡人匿其情久矣。而或宣之。宜有見惡者矣。況又加之以名稱耶。往時大學士劉文正公嘗太息魚門之才。而惜其爲名士。夫魚門行與學甚敦。美與名相副。名何足爲魚門病。抑吾聞之物求而致之者。不若不求而致之之安也。魚門處盛名之下。車馬塵雜之間。其將釋知遺形。超然事物之表。有若聲華寂滅。遺人而獨立者也。然則魚門終免世網羅繪繳之患也已。

清劉開贈龔若士檢討序

京師爲才俊飛騰之地。公卿大夫之所聚。四方冠蓋之所趨。文士碩儒。山人羽客。

之所嚮往。各炫厥長。馳騁形勢。雷動雲合。聲發嚮應。處其際者。類多比辭。合采飾容。止弋聲譽。窮智畢力。以爭進取。而憤時矯異者。則又屏棄人事。絕施報。離羣特立。爲名高。故人才莫盛於斯。亦莫雜於斯。龔君若士。以弱冠入詞館。性寡交游。惡奔競。亦不欲離羣絕物。居閒則取遺經及賢人之傳說。端坐而誦習之。沈潛反復。含其英而味其旨。意有所獲。不求人知。人皆善動。君獨守之以靜。人皆務華。君獨固之以實。率是而行。庶幾其專。一不雜而可近於道乎。惜乎吾遇君之晚也。至平而至奇。至難而至易者。聖人之術也。入而求焉。無在不適於用。得其毫末。器識固已異矣。是故志莫貴乎篤。力莫貴乎堅。苟誠思之。未有不通。苟誠爲之。未有不成。石之穿也。由於一滴之溜。江之盛也。由於濫觴之泉。龔君識既英敏。日進不懈。如是而加之意。博而取之。精而索之。得而據之。優游以博其趣。涵泳以得其天。將必有手舞足蹈而不能自己者。其視世之爭進取者。得失固何如也。余來京師。自公卿大夫以及文士碩儒。山人羽客。莫不與交。而四方冠蓋之來者。亦時相接處。獨

樂聞君之言。以爲有志於道。而可以匡所不逮。然則今日之遇君。又何晚之有哉。惜乎。吾將別君而去也。

清王詒壽蘭谿留別陳芷濱學博序

歲在荒落。序入素秋。言自浦浦。于役婺州。旋理虎林之帆。暫倚穀渚之棹。芷濱學博。煮松淥之藏酒。掃棲塵之吟榻。殷然留止。信宿笑言。幽館宵寂。共此燭光。疏櫺月來。顧見花影。蘭語既洽。苔契彌深。剖襟意長。疊鼓更促。桑雞忽唱。城烏亂曉。晨光熹微。榜人斂戶。駕言欲邁。握手欷歔。逢舊雨。以何時。悵西風之催別。嶺雲千疊。江天一涯。誰能遣此良足感矣。昔者長山之麓。冷署之中。僕與子一鐸共秉。五步隔居。蚤蠶趨公。連翩署牘。登元暢之高樓。則蹋臂雲際。訪初平之古洞。則聯屐煙外。衣幘互易。不問主人。鴈雁偶登。亦呼共食。其或風雨相對。宵漏正長。澆劍酒紅。說鬼鐙綠。發論小選。齟齬益見。其真掬裏畢宣。肝腑亦可共倒。當此之時。別無半時語。輒通昔西窗話。雨笑樊南之空懷。東野爲龍。譏昌黎之虛願。旣而秋風解組。

南山歸臥。莫雲憶女。夕月愁余。乃積緒在抱。未盈扶寸。奉檄而喜。又共一州。仁山講學之鄉。待制吟詩之地。一日可至。百里匪遙。筠筒緘詩。走長髯而卽達。篋輿乘興。呼健足而成行。又以應官。輒共趨郡。清谿楓樹。聯吟吹笛之船。候館梅花。抵足垂鐙之夕。雖勞行役。藉補墜歡。覲止之懷。良用告慰。今者金飆戒寒。瓜期又屆。感青羶之無定。去太匆匆。恨黃帽之催人行。何艸艸數日作惡。共值謝公之年。千里相思。莫必穉生之駕。茫然此別。渺矣余懷。吾子笙簧典籍。擣嶠道真。早騁雲衢。樂就冰職。鶴田所入。足給饗飧。雁幣有登。用娛賓客。姬人不俗。稚子能文。庭栽好花。架羅良籍。人生得此。良亦慰情。獨念僕自遭寇亂。世業俱空。居無下溼。之可徵。出僅微官。之暫試。餓麟不噬。窮媛安投。襪被江關。正不知稅駕何所耳。僕行矣。晨催星飯。夕擁霜衾。言尋廬明湖之潯。望子不見。山高水深。毋金玉爾音。而有遐心。歲寒之誼。分綦合襟。敬勸光彩。共葆璧琛。

(壬)合送數人

贈序之體。昉乎書牘。昔雷仲倫之示子姪。駱賓王之與博昌。

父老致辭達懷匪止一人此其先河與錄二首

宋曾鞏贈黎安二生序

趙郡蘇軾。余之同年友也。自蜀以書至京師。遺余稱蜀之士曰黎生安生者。既而黎生攜其文數十萬言。安生攜其文亦數千言。辱以顧予。讀其文。誠閎壯雋偉。善反覆。馳騁窮盡事理。而其才力之放縱。若不可極者也。二生固可謂魁奇特起之士。而蘇君固可謂善知人者也。頃之黎生補江陵府司法參軍。將行。請余言以爲贈。余曰。余之知生。旣得之於心矣。迺將以言相求於外邪。黎生曰。生與安生之學於斯文里之人。皆笑以爲迂濶。今求子之言。蓋將解惑於里人。余聞之。自顧而笑。夫世之迂濶。孰有甚於余乎。知信乎古。而不知合乎世。知志乎道。而不知同乎俗。此余所以困於今而不自知也。世之迂濶。孰有甚於余乎。今生之迂。特以文不近俗。迂之小者耳。患爲笑於里之人。若余之迂大矣。使生持吾言而歸。且重得罪。庸詎止於笑乎。然則若余之於生。將何言哉。謂余之迂爲善。則其患若此。謂爲不善。



則有以合乎世。必違乎古。有以同乎俗。必離乎道矣。生其無急於解里人之惑。則於是焉。必能擇而取之。遂書以贈二生。并示蘇君以爲何如也。

### 金元好問送秦中諸人引

關中風土完厚。人質直而尚義。風聲習氣。歌謠慷慨。且有秦漢之舊。至於山川之勝。遊觀之富。天下莫與爲比。故有四方之志者。多樂居焉。予年二十許時。侍先人官洛陽。以秋試留長安中。八九月時。紈綺氣未除。沉涵酒閒。知有遊觀之美。而不懈也。長大來。與秦人游益多。知秦中事益熟。每聞談周漢都邑。及藍田鄠杜閒風物。則喜色津津。然動於顏閒。二三君多秦人。與予遊。道相合而意相得也。常約近南山。尋一牛田。營五畝之宅。如舉子結夏課時。聚書深讀。時時釀酒爲具。從賓客游。伸眉高談。脫屣世事。覽山川之勝。概考前世之遺蹟。庶幾乎不負古人者。然予以家在嵩前。暑途千里。不若二三君之便於歸也。清秋揚鞭。先我就道。矯首西望。長吁青雲。今夫世俗。愜意事如美食。大官高貲。華屋皆衆人所必爭。而造物者之

所甚。靳有不可得者。若夫閒居之樂。澹乎其無味。漠乎其無所得。蓋自放於方之外者。之所貪。人何所爭。而造物者亦何靳耶。行矣。諸君。明年春風待我於輞川之上矣。

(癸)送特別人

文章之事。因人而施。知者不失人。亦不失言。故足尚也。錄七

首。

唐韓愈送浮屠文暢師序

人固。有。儒。名。而。墨。行。者。問。其。名。則。是。校。其。行。則。非。可。以。與。之。遊。乎。如。有。墨。名。而。儒。行。者。問。其。名。則。非。校。其。行。則。是。可。以。與。之。遊。乎。揚。子。雲。稱。在。門。牆。則。揮。之。在。夷。狄。則。進。之。吾。取。以。爲。法。焉。浮。屠。師。文。暢。喜。文。章。其。周。遊。天。下。凡。有。行。必。請。於。搢。紳。先。生。以。求。詠。歌。其。所。志。貞。元。十。九。年。春。將。行。東。南。柳。君。宗。元。爲。之。請。解。其。裝。得。所。得。敘。詩。累。百。餘。篇。非。至。篤。好。其。何。能。致。多。如。是。耶。惜。其。無。以。聖。人。之。道。告。者。而。徒。舉。浮。屠。之。說。贈。焉。夫。文。暢。浮。屠。也。如。欲。聞。浮。屠。之。說。當。自。就。其。師。而。問。之。何。故。謁。吾。

徒。而。來。請。也。彼。見。吾。君。臣。父。子。之。懿。文。物。禮。樂。之。盛。其。心。必。有。慕。焉。拘。其。法。而。未。能。入。故。樂。聞。其。說。而。請。之。如。吾。徒。者。宜。當。告。之。以。二。帝。三。王。之。道。日。月。星。辰。之。所。以。行。天。地。之。所。以。著。鬼。神。之。所。以。幽。人。物。之。所。以。蕃。江。河。之。所。以。流。而。語。之。不。當。又。爲。浮。屠。之。說。而。瀆。告。之。也。民。之。初。生。固。若。禽。獸。夷。狄。然。聖。人。者。立。然。後。知。宮。居。而。粒。食。親。親。而。尊。尊。生。者。養。而。死。者。藏。是。故。道。莫。大。乎。仁。義。教。莫。大。乎。禮。樂。刑。政。施。之。於。天。下。萬。物。得。其。宜。措。之。於。其。躬。體。安。而。氣。平。堯。以。是。傳。之。舜。舜。以。是。傳。之。禹。禹。以。是。傳。之。湯。湯。以。是。傳。之。文。武。文。武。以。是。傳。之。周。公。孔。子。書。之。於。冊。中。國。之。人。世。守。之。今。浮。屠。者。孰。爲。而。孰。傳。之。耶。夫。鳥。俛。而。啄。仰。而。四。顧。夫。獸。深。居。而。簡。出。懼。物。之。爲。己。害。也。猶。且。不。脫。焉。弱。之。肉。強。之。食。今。吾。與。文。暢。安。居。而。暇。食。優。遊。以。生。死。與。禽。獸。異。者。寧。可。不。知。其。所。自。耶。夫。不。知。者。非。其。人。之。罪。也。知。而。不。爲。者。惑。也。悅。乎。故。不。能。卽。乎。新。者。弱。也。知。而。不。以。告。者。不。仁。也。告。而。不。以。實。者。不。信。也。余。旣。重。柳。請。又。嘉。浮。屠。能。喜。文。辭。於。是。乎。言。

唐韓愈送廖道士序

五岳於中州。衡山最遠南方之山。巍然高而大者。以百數。獨衡爲宗。最遠而獨爲宗。其神必靈。衡之南八九百里。地益高山益峻。水清而益駛。其最高而橫絕南北者。嶺。郴之爲州。在嶺之上。測其高下。得三之二焉。中州清淑之氣。於是焉窮。氣之所窮。盛而不過。必蜿。蜿扶輿。磅礪而鬱積。衡山之神。旣靈而郴之爲州。又當中州清淑之氣。蜿。蜿扶輿。磅礪而鬱積。其水土之所生。神氣之所感。白金水銀丹砂石。英鍾乳橘柚之包。竹箭之美。千尋之名材。不能獨當也。意必有魁奇忠信材德之民生其間。而吾又未見也。其無乃迷惑溺沒於佛老之學。而不出邪。廖師郴民而學於衡山。氣專而容寂。多藝而善游。豈吾所謂魁奇而迷溺者邪。廖師善知人。若不在其身。必在其所與遊。訪之而不吾告。何也。於其別。申以問之。

唐韓愈贈張童子序

天下之以明二經。舉於禮部者。歲至三千人。始自縣考試。定其可舉者。然後升於

州若府其不能中科者不與是數焉。州若府總其屬之所升。又考試之。如縣加察詳焉。定其可舉者。然後貢於天子。而升之。有司其不能中科者不與是數焉。謂之鄉貢。有司者。總州府之所升。而考試之。加察詳焉。第其可進者。以名上於天子。而藏之。屬之吏部。歲不及二百人。謂之出身。能在是選者。厥惟艱哉。二經章句。僅數十萬言。其傳注在外。皆誦之。又約知其大說。由是舉者。或遠至十餘年。然後與乎三千之數。而升於禮部矣。又或遠至十餘年。然後與乎二百之數。而進於吏部矣。班白之老半焉。昏塞不能及者。皆不在是限。有終身不得與者焉。張童子生九年。自州縣達禮部。一舉而進。立於二百之列。又二年。益通二經。有司復上其事。由是拜衛兵曹之命。人皆謂童子耳。目明達神氣。以靈。余亦偉童子之獨出於等夷也。童子請於其官之長。隨父而寧母。歲八月。自京師道陝南。至虢東。及洛師。北過大河之陽。九月。始來及鄭。自朝之聞人。以及五都之伯長羣吏。皆厚其餽賂。或作歌詩。以嘉童子。童子亦榮矣。雖然。愈將進童子於道。使人謂童子求益者。非欲速成。



者。夫。少。之。與。長。也。異。觀。少。之。時。人。惟。童。子。之。異。及。其。長。也。將。責。成。人。之。禮。焉。成。人。之。禮。非。盡。於。童。子。所。能。而。已。也。然。則。童。子。宜。暫。息。乎。其。已。學。者。而。勤。乎。其。未。學。者。可。也。愈。與。童。子。俱。陸。公。之。門。人。也。慕。回。路。二。子。之。相。請。贈。與。處。也。故。有。以。贈。童。子。

### 唐柳宗元送僧浩初序

儒者韓退之與余善。嘗病余嗜浮圖言。訾余與浮圖遊。近隴西李生礎。自東都來。退之又寓書罪余。且曰。見送元生序。不斥浮圖。浮圖誠有不可斥者。往往與易論語合。誠樂之。其於性情。爽然不與孔子異道。退之好儒。未能過楊子。楊子之書。於莊墨申韓。皆有取焉。浮圖者。反不及莊墨申韓之怪僻險賊。耶曰。以其夷也。果不信道。而斥焉。以夷則將友。惡來盜跖。而賤季札。由余乎。非所謂去名求實者矣。吾之所取者。與易論語合。雖聖人復生。不可得而斥也。退之所罪者。其跡也。曰。髡而緇。無夫婦父子。不爲耕農蠶桑。而活乎人。若是。雖吾亦不樂也。退之忿其外。而遺其中。是知石而不知韞玉也。吾之所以嗜浮圖之言。以此。與其人游者。非必能通。

其言也。且凡爲其道者。不愛官。不爭能。樂山水而嗜閑安者。爲多。吾病世之。遂遂然。唯印組爲務。以相軋也。則舍是其焉。從吾之好。與浮圖游。以此。今浩初閑其性。安其情。讀其書。通易論語。唯山水之樂。有文而文之。又父子咸爲其道。以養而居。泊焉而無求。則其賢於爲莊墨申韓之言。而遂遂然。唯印組爲務。以相軋者。其亦遠矣。李生礎與浩初。又善。今之往也。以吾言示之。因北人寓退之視。何如也。

### 唐柳宗元送婁圖南秀才遊淮南將入道序

僕未冠求進士。聞婁君名甚熟。其所爲歌詩。傳詠都中。通數經及羣書。當時爲文章。若崔比部。于衛尉。相與稱其文。衆皆曰。納言曾孫也。而又有是。咸推讓爲先登。後十餘年。僕自尙書郎謫來零陵。覲婁君。猶爲白衣。居無室宇。出無僮御。僕深異而訊之。乃曰。今夫取科者。交貴勢。倚親戚。合則插羽。翻生風濤。沛焉而有餘。吾無有也。不則饜飲食。馳堅良。以歡於朋徒。相賈爲資。相易爲名。有不諾者。以氣排之。吾無有也。不則多筋力。善造請。朝夕屈折於恆人之前。走高門。邀大車。矯笑而僞。

言卑陬而媁媁。偷一日之容。以售其伎。吾無有也。自度卒不能堪其勞。故舍之而遊。逾湖江。出豫章。至南海。復由桂而下也。少好道士言。餌藥爲壽。未盡其術。故行且求之。僕聞而愈疑。往時觀得進士者。不必若婁君之言。又不能類婁君之文學。又無納言之大德。以爲之祖。無比部衛尉。以爲之知。而升名者百數十人。今婁君非不足也。顧不樂而遁耳。因爲余留三年。他日又曰。吾所以求於心者。未克。今其行也。余旣異其遁於名。而又德其久留於我也。故爲之言。夫君子之出。以行道也。其處。以獨善其身也。今天下理平。主上亟下求士之詔。婁君智可以任職。用事文。可以宣風歌德。行於世。必有合其道而進薦之者。遽而爲處士。吾以爲非時。將曰。老而就休耶。則甚少。且銳羸而自養耶。則甚碩。且武問其所以處。咸無名焉。若苟焉。以圖壽爲道。又非吾之所謂道也。夫形軀之寓於土。非吾能私之。幸而好求堯舜孔子之志。唯恐不得。幸而遇行堯舜孔子之道。唯恐不慊。若是而壽可也。求之而得行之。而慊雖夭。其誰悲。今將以呼噓爲食。咀嚙爲神。無事爲閑。不死爲生。則

深山之木石大澤之龜蛇皆老而久其於道何如也僕嘗學於儒持之不得以陷於是。是以出則窮。以處則乖。其不宜言道也。審矣。以吾子見私於僕。而又重其去。故竊言而書之。而密授焉。

### 明唐順之送第上人度海謁觀音大士序

自三十二相。至於種種恆河沙。相謂之曰。皆觀音大士焉。可也。徧徧塵國土。謂之曰。皆補陀焉。可也。昔諸菩薩未見多寶佛時。多寶佛仍在寶淨國。諸菩薩既見多寶佛時。多寶佛卽不離娑婆世界。多寶佛無在無不在。而人有見不見耳。由此言之。求觀音大士者。不必補陀。求補陀者。不必海。然而大士見身。獨補陀爲著。而爲其徒。往往必跨海。以求而後得焉。何也。吾聞佛家之說。以塵勞爲苦海。以解脫爲彼岸。非離苦海。不能到彼岸。如非跨海。不能見補陀。或者大士假此以度世。而其徒又假此以自度也。第之意。其出於此乎。然則世豈有眞補陀者耶。其亦化城火聚之寓言耳。補陀之事。其誕與信。無足深究。吾特有激於第之行也。以補陀之眇。

然大洋之外絕不見蹤影至使其徒莫不翕然心醉焉不憚驚波之險颶母鮫魚之毒翼一至焉而後爲快蓋其信之篤而趨之果如此今儒者學於孔氏孔氏之宮巋然可目量而趾援也其醉心焉與翼一至焉而後爲快者何其少歟嗚呼孔氏之於佛不待較而知也然彼能奔走人於窮海不可蹤影之境而此不能奔走人於可以目量趾援之間彼不憚措身於蛟魚之窟而此畫地於坦坦之途是何詭之易溺而正之難歸耶豈吾儒言義利乃不如佛氏言生死足以關斯人而鍵之耶藉令第始者不爲彼而爲此其能必至於孔氏之宮如今之必至補陀見大士否耶諺曰雀翼不能伏鵠卵吾才薄不能熾吾儒以柅第之行而迴其轅於孔氏也第茲行過山陰見吾友王君汝中者其必有以語第矣

清劉開送方士吳君序

必使天地萬物之所有者悉備於一身則將殫才智疲神力博究典墳遍窮六藝及諸子百家之術外歷九州四海覽飛潛動植之種類觀風雲雷雨日月星辰之



變幻目無停機耳無遺響心無留思與陰陽造化寢處一室孜孜仡仡終其身於勤苦之途其勢猶懼不遂匪若是也遺高遠而趨平實略多能以求一得則專精之極神明自生雖一術一藝守其業不遷亦足以名世吳君幼好道術破產求師既有所得則專一業以聞於時善堪輿家言與人語多奇中豈所謂略多能以求一得者耶余之識君也因鄭柳門先生時君客南州與余一見若舊相識酒酣放論言無不盡且以余爲知己吳君家廣豐在信州東北其地水多西流山形連亘爭雄靈奇而孤露不鍾於榮貴顯達而層出異士君之磊落而遇窮儻亦地氣然耶君好直言不求說世俗其所能者余皆通其說而不克精也君將返里余適有浙西之行以君之專精一業而愧余愛博學貪徒終身於勤苦之途而不能遂也因作此送君且以規吾失

別序之體製 送特別人

（The text in this section is extremely faint and largely illegible due to fading and bleed-through from the reverse side of the page. It appears to be a preface or a letter addressed to a specific individual, following the format indicated by the header.)